

景宗本禮記正義

八

禮記正義卷第二十四

國子祭酒上護軍曲阜縣開國子臣孔穎達等奉

勅撰

季夏之月日在柳昏火中旦奎中

季夏者日月會於鶉火而

斗建未之辰也

其日丙丁其帝炎帝其神祝融其蟲

羽其音徵律中林鍾其數七其味苦其臭

焦其祀竈祭先肺

林鍾者黃鍾之所生三分去一

律應周語曰林鍾和展百物俾莫不任肅純恪

疏

正義曰案三統曆六月節日在柳九度昏尾七度中去日

一百一十九度旦婁八度中六月中日在張三度昏箕三
度中去日一百一十七度旦胃十四度中元嘉曆六月節
日在井三十二度昏房四度中旦東壁八度中六月中日
在柳十二度昏尾八度中旦奎十二度中
注林鐘至純
恪 正義曰案律曆志黃鐘長九寸三分去一下生林鐘
故林鐘長六寸引周語曰下者證林鐘之義故周語云林
鐘和展百物俾莫不任肅純恪案注云坤初六也林衆鐘
聚肅速純大恪敬言時務和審百事無有詭詐使莫不任
其職事速其功
而大敬其職 溫風始至蟋蟀居壁鷹乃學習

腐草爲螢

皆記時候也鷹學習攫搏也夏小
正曰六月鷹始摯螢飛蟲螢火也

天子

居明堂右个乘朱路駕赤駟載赤旂衣朱
衣服赤玉食菽與雞其器高以粗

明堂右个南
堂西偏也

命漁師伐蛟取鼃登龜取鼃

四者甲類秋乃堅成周禮曰秋

獻龜魚又曰凡取龜用秋時是夏之秋也作月令者以為此秋據周之時也周之八月夏之六月因書於此似誤也蛟言伐者以其有兵衛也龜言登者尊之也鼃鼃言取着物賤也鼃皮又可以冒鼓今月令漁師為榜人

命

澤人納材葦

蒲葦之屬此時采刈可取作器物也

疏

正義曰蟋蟀居壁者此物生在

於土中至季夏羽翼稍成未能遠飛但居其壁至七月則能遠飛在野案爾雅釋蟲云蟋蟀葦也孫炎曰蜻蛚也梁國謂葦郭景純云今促織蔡以為蟋蟀斯螽非也鷹乃學習者於時二陰既起鷹感陰氣乃有殺心學習搏擊之事案鄭志焦氏問云仲秋乃鳩化為鷹仲春鷹化為鳩此六月何言有鷹學習乎張逸荅曰鷹雖為鳩亦自有真鷹可習矣腐草為螢者腐草此時得暑濕之氣故為螢不云化者蔡氏云鳩化為鷹鷹還化為鳩故稱化今腐草為

螢螢不復為腐草故不稱化

注謂攫至螢火

正義曰

攫謂以足取物搏謂以翼擊物云螢飛蟲者案釋蟲云螢

火即炤李巡云螢火夜飛腹下如火故曰即炤

命漁至

取龜

正義曰此命漁師及仲夏養壯佼之等皆是煩細

之事或非止一月所為故不言是月也故注云四者甲類

秋乃堅成明非獨季夏而取

注周禮至榜人

正義曰

引周禮秋獻龜魚是獻人職文又云凡取龜用秋時是龜

人職文引之者證作記之人謂此禮是周之秋八月當夏

之六月故誤書於

此言記者之非

是月也命四監大合百縣之

秩芻以養犧牲

令民無不咸出其力

四監

林川澤之官百縣鄉遂之屬地有山林川澤者也秩常也

百縣給國養犧牲之芻多少有常民皆當出力為艾之今

月令四

為田以共皇天上帝名山大川四方之神以

為田

以共皇天上帝名山大川四方之神以

祠宗廟社稷之靈以為民祈福

牲以供祠
神靈為民

求福明使民艾芻是不虛取也皇天北辰耀魄寶冬至所祭於圓丘也上帝太微五帝

疏

正義曰
以四監

合其秩芻以共皇天上帝其事既大又異於上故言是月自命婦官至等級之度論黼黻文章給郊廟祭祀之服事異於上帝養犧牲故言是月自樹木方盛至則有天殃論禁斷餘事助時生養亦事異於上故言是月自土潤辱暑至土彊論上暑下潤糞地為宜事異於上故復言是月

注

四監至為田

正義曰案周禮有山虞澤虞林衡川衡

之官秩芻出於山林又季冬云乃命四監收秩薪柴薪柴亦出於山林川澤云百縣鄉遂之屬地有山林川澤者知百縣非諸侯而云鄉遂之屬以其取芻養牲不可大遠故知是畿內鄉遂仲夏云乃命百縣雩祀百辟卿士者兼外內諸侯也此云鄉遂之屬者不兼公卿大夫之采邑秩常釋古文云今月令四為田者令田監大合秩芻義亦通也

注為民至五帝 正義曰為民求福者雖是尋常事神因

事神之時為民祈福云是不虛取者若不為祈福浪使民

芟芻是在上虛取民力今還祈福與民民皆蒙福是不虛

取民力役使之也云上帝大微五帝者案周禮司服云昊

天上帝鄭以為昊天上帝祇是一神北極耀魄寶也知此

皇天上帝不祇是耀魄寶之上帝為大微者以周禮司服

云祀昊天上帝大裘而冕祀五帝亦如之既別云五帝故

知昊天上帝亦唯一神此月令皇天上帝之下更無別五

帝之文故 是月也命婦官采黼黻文章

分為二

必以法故無或差貸 婦官染人 黑黃倉赤莫

不質良母敢詐偽 質正也良善也所用染 以給

郊廟祭祀之服以為旗章以別貴賤等給

之度

旗章旌旗又章識也

疏

正義曰於此月之時命掌婦功之官謂染人也染此五色之采白與

黑謂之黼黑與青謂之黻青與赤謂之文赤與白謂之章染此等之物必以舊法故事無得有參差貸變必以此月染之者以其盛暑濕染帛為宜此是秦法也若周則於夏豫浸治染纁玄之石至秋乃摠染五色故染人云夏纁玄秋染夏是也蓋從夏至秋皆得染物周秦各用一時也此云黼黻文章下云黑黃蒼赤互相備也**注**婦官染人也采五色正義曰案周禮婦官有典婦功典臬染人等此據染采故為染人采五色者鄭注臬陶謨曰采施曰色未用謂之采已用謂之色此對文耳散則通**注**旗章至章

識正義曰旌旗者則周禮司常九旗是也章識者則周禮事名號故司常云官府象其事州里象其名家象其號鄭注引士喪禮以緇廣三寸長半幅頰末長終幅詩織文鳥章是月也樹木方盛乃命虞人入山行是也

木母有斬伐

為其未堅刃也

不可以興土功不可

以合諸侯不可以起兵動眾

土將用事氣欲靜

毋舉

大事以搖養氣

大事興繇役以有為

毋發令而待以妨

神農之事也

發令而待謂出繇役之令以預驚民也民驚則心動是害土神之氣土神稱曰

神農者以其主於稼穡

水潦盛昌神農將持功舉大

事則有天殃

言土以受天雨澤安靜養物為功動之則致害也孝經說曰地順受澤謙虛開

張含泉任萌滋物歸中

疏

注土將用事氣欲靜正義曰土雖寄王於四季但南方火生中央土土生西

方金金火之間位當建未之月故云土將用事氣欲靜也無發至之事正義曰發令者發動徵召之令也而待者

謂時未順而豫動召以待後時乃使也以妨神農之事者
解所以不豫發令也神農者土神也爾時土神用事若逆
令召民民驚心動是妨土神之氣事也 ⑤土稱至稼穡
正義曰土神能吐生萬物成其農事故曰神農知土主稼
穡者尚書洪範云土爰稼穡孔傳曰種曰稼斂曰穡蔡氏
云神農則炎帝非鄭義也 水潦至天殃 正義曰六月
主未未有東井東井是水故六月而水潦盛昌也神農將
持功者神農猶土神也土地本受天雨澤水潦以爲生養
之功此月多水故土神方得將持功也 舉大事則有天
殃者神農方持功若人君有舉大事干養氣者非唯神農
罪之則天亦殃罰之也犯土而天罰之者地受天澤得以
含養今若干地則是干天也 ⑥言土至歸中 正義曰
解所以犯天殃之義也云動之則致災害者若動地則致
干災害是地功由天也云孝經說曰地順受澤謙虛開張
者引孝經說證地受天澤爲成己功也地體卑順故受天
之雨澤而體得謙虛開張也云含泉任萌滋物歸中者亦

孝經說也既謙虛開張故能含於水泉
任萌一切之物並滋繁而歸地中也
是月也土潤

辱暑潤辱謂塗溼也大雨時行燒薙行水利以殺

草如以熱湯薙謂迫地芟草也此謂欲稼萊地先薙其草草乾燒之至此月大雨流水潦畜

於其中則草死不復生而地美可稼也薙人掌殺草職
曰夏日至而薙之又曰如欲其化也則以水火變之可

以糞田疇可以美土疆土潤辱膏澤易行也糞美互文耳土疆強隲之地**疏**

正義曰六月建未未值井井主水大雨時行土既潤溽又
大雨應時行也不云降降止是下耳欲言其流義故云行
行猶通被也蔡云大雨時行行降也從土潤以下皆為下
句燒薙謂迫地芟除草名也周禮立其官使除田草也五
月夏至芟殺暴之至六月合燒之故云燒薙也行水者其
時也大雨時行行於所燒田中仍壅遏蓄之以漬燒薙故

云行水也

利以殺草者利益也先芟後燒又蓄水漬之

即草根爛死是利益得殺田中之草也如以熱湯者日暴

水於爛草田中水熱而沫沸如熱湯漬之也

注薙人至

變之

正義曰引薙人證芟草時節案薙氏云春始生而

萌之夏日至而夷之秋繩而芟之冬至而耜之杜子春

云萌謂耕反其萌牙康成云萌之者以茲其斫其生者夷

之以鉤鐮迫地芟之也若今取芟矣含實曰繩芟其繩則

實不成熟耜之以耜測凍土刻之案皇氏云夷音薙繩音

孕云又曰如欲其化則以水火變之者謂先以火焚燒其

草在後以水浸漬之變此堵地爲肥故云水火變之先火

後水而云水火者便言也

可以至土疆

正義曰於此

月之中又可行以下二事也糞壅苗之根也蔡云穀田曰

田麻田曰疇言爛草可以糞田使肥也可以美土疆者疆

者疆塿磊砢難耕之地此月亦可止水漬之乃壅糞之使

田美也

注土潤至之地

正義曰土潤辱則土之膏澤

易行故可糞美之使肥易也蔡前云從土潤以下皆爲下

句是與鄭相合也云糞美互文耳者亦可以美田疇可以糞土疆故言互文也云土疆強塹之地者強是不軟塹是塹闕也並謂礪礪磊礪之地也草人職云疆塹用蕢疆塹強堅者也季夏行春令則穀

實鮮落國多風𡗗辰之氣乘之也未屬巽辰又在巽位二氣相亂為害民乃

遷徙象風轉移物也䟽正義曰穀實鮮落謂鮮少墮落由風多故也或云以夏召春氣初鮮絜而

逢秋氣肅殺故穀鮮絜而墮落也此地災注未屬巽正義曰案

是天災也民乃遷徙是人災也易林云震主庚子午巽主辛丑未坎主戊寅申離主巳卯酉艮主丙辰戌兌主丁巳亥是未屬巽也行秋

令則丘隰水潦戊之氣乘之也九月宿直奎奎為溝瀆溝瀆與此月大雨井而高下皆水

禾稼不孰傷於水也乃多女災含任之類敗也䟽正義曰丘隰水潦及禾稼

不孰地災也以其水氣多故也乃行冬令則風寒不

時田之氣乘之也鷹隼蚤鷙得疾厲之氣也四鄙入保象鳥雀之走竄

也都邑之疏正義曰以田未屬巽十二月建田得巽之

城曰保氣故為風又建田之月大寒中故多風寒此天災也鷹隼蚤鷙季中央土火休而盛德在土也其日戊

夏地氣殺害之象地災也己戊之言茂也已之言起也日之行四時之間從黃道月為之佐至此萬物皆枝葉茂盛其含秀者抑屈而起故

因以為其帝黃帝其神后土此黃精之君土官之神自古以來著

日名焉德立功者也黃帝軒轅氏也后土亦顓頊氏之子曰黎兼為土官其蟲倮象物露見不隱藏虎

豹之屬聲始於宮宮數八十一屬土者以其其音宮最濁君之象也季夏之氣和則宮聲

恒淺毛

調樂記曰宮亂則荒其君驕

律中黃鍾之宮

黃鍾之宮最長也十二律轉相生五

聲具終於六十焉季夏之氣至則黃鍾之宮應禮運曰五聲六律十二管還相為宮

其數五

土生數五

成數十但言五者土以生為本

其味甘其臭香

土之臭味也凡甘香者皆屬之

祀中雷祭先心

中雷猶中室也土主中央而神在室古者複穴是以名室為雷云祀之先

祭心者五藏之次心次肺至此心為尊也祀中雷之禮設主於牖下乃制心及肺肝為俎其祭內心肺肝各一他皆

如祀戶之禮

天子居大廟大室乘大路駕黃駟載

黃旂衣黃衣服黃玉食稷與牛其器圜以

閔

大廟大室中央室也大路殷路也車如殷路之制而飾之以黃稷五穀之長牛土畜也器圜者象土周而

於四時閱讀如絃絃
謂中寬象土含物

疏

正義曰夫四時五行同是天地
所生而四時是氣五行是物氣

是輕虛所以麗天物體質凝所以屬地四時係天年有三
百六十日則春夏秋冬各分居九十日五行分配四時布
於三百六十日間以木配春以火配夏以金配秋以水配
冬以土則每時輒寄王十八日也雖每分寄而位本未宜
處於季夏之末金火之間故在此陳之也 其日戊己

正義曰雖處於夏末而實為四行之主不可沒其生用之
功故因亦為日名也

注

日之至之佐

正義曰案考靈

耀春則星辰西遊謂星辰在黃道之西遊也日依常行在
黃道之東至季春之月星辰入黃道復其正處日依黃道
而行是春夏之間日從黃道夏則星辰北遊謂星辰在黃
道之北遊也日依常行在黃道之南至季夏星辰入黃道
復正位日依常行黃道至夏秋之間日從黃道也秋則星
辰東遊謂星辰在黃道東遊日依常行在黃道之西至季
秋星辰入黃道還復正位日依黃道而行至秋冬之間日

從黃道也冬則星辰南遊謂星辰在黃道南遊日依常行在黃道之北至季冬星辰入黃道還正位日依常行黃道至冬春之間日從黃道也鄭注洪範云四時之間合於黃道也月之行道與日同故云月為之佐也

注

后土至土

官正義曰案昭二十九年左傳云顓頊氏有子曰犁為祝融共工氏有子曰句龍為后土后土為土官知此經后土非句龍而為犁者以句龍初為后土後轉為社后土官闕犁則兼之故鄭注大宗伯云黎食於火土以宗伯別云社稷又云五祀句龍為社神則不得又為五祀故云黎兼也

注

象物至淺毛

正義曰大戴禮及樂緯云鱗蟲三

百六十龍為之長羽蟲三百六十鳳為之長毛蟲三百六十麟為之長介蟲三百六十龜為之長裸蟲三百六十聖人為之長云象物露見不隱藏者案仲夏云可以居高明可以處臺榭至六月土王之時物轉壯大露見不隱藏也云虎豹之屬恒淺毛者諸鄭之所云皆據四時之物與鱗羽毛介相似者言之不取五靈之長故中央不言人西云

狐貉之屬東方兼言蛇北方兼言鼃是不取五靈也
聲始至之象 正義曰案律曆志五聲始於宮陽數極於
九九九相乘故數八十一以五聲中最尊故云以其最濁
君之象也 律中黃鐘之宮 正義曰黃鐘之宮於諸宮
為長季夏土王其聲最重謂土之聲氣應此黃鐘之宮聲
非黃鐘一聲也故特云律中者黃鐘之宮也黃鐘候氣之
管本位在子此是黃鐘宮聲與中央土聲相應但土無候
氣之法取黃鐘宮聲以應土耳非候氣也故賀瑒云黃鐘
是十一月管何緣復應此月正以土義居中故虛設律於
其月實不用候氣也十二律互相為宮據律主言之也崔
靈恩云凡陰陽之管合有十二律律各為一調迭相為宮
而生五聲合而成樂黃鐘宮最長為聲調之始十二宮之
主宮音者是五音之長故與黃鐘之調宮聲相應此論宮
聲相應非論候此月氣之相應是以注云季夏氣至則黃
鐘之宮應不直云黃鐘之律應也然則直言律應不言宮
者明主為所候之氣應也直言律中黃鐘之宮不言律應

注

者明謂中央土聲與黃鐘爲宮音相應非爲氣應也故鄭引禮運云迭相爲宮以證之也四時之律皆取氣應而土王之律獨取聲應者一者欲與四行爲互二者爲無別候土氣之管故也土無候氣之管者以寄王四季之末故從四時之管而不別候也唯以四行末十八日爲土之氣也蔡氏及熊氏以爲黃鐘之宮謂黃鐘少宮也半黃鐘九寸之數管長四寸五分六月用爲候氣案六月林鐘之律長六寸七月夷則長五寸三分有餘何以四寸五分之律於六月候之乎又土聲最濁何得以黃鐘半聲相應乎蔡熊之說非也

注黃鐘至爲宮 正義曰不云黃鐘律最長而云黃鐘之宮最長者唯黃鐘宮聲於諸宮最長故云之宮也云十二律轉相生五聲具終於六十者案黃鐘之調均則黃鐘爲宮黃鐘生林鐘爲徵林鐘生大簇爲商大簇生南呂爲羽南呂生姑洗爲角此是黃鐘一調之五聲凡十二律律各有五聲則摠有六十聲故云終於六十聲至禮運更具詳之云季夏氣至則黃鐘之宮應者謂季夏土

聲與黃鐘之宮聲相應以其非實候氣故不云黃鐘之律應或本云律應者誤也引禮運還相爲宮者證所明十二律循環爲宮聲調則具而此經得黃鐘之宮

注

中雷至

之禮正義曰鄭意言中雷猶中室乃是開牖象中雷之取明則其地不當棟而在室之中央故喪禮云浴於中雷飯於牖下明中雷不關牖下也主中央而神在室者所以必在室中祭土神之義也土五行之主故其神在室之中央也是明中雷所祭則土神也故杜注春秋云在家則祀中雷在野則爲社也又郊特牲云家主中雷而國主社社神亦中雷神也云古者復穴是以名室爲雷云者解所以謂室中爲中雷之由也古者謂未有宮室之時也復穴者謂窟居也古者窟居隨地而造若平地則不鑿但累土爲之謂之爲復言於地上重複爲之也若高地則鑿爲坎謂之爲穴其形皆如陶竈故詩云陶復陶穴是也故毛云陶其土而復之陶其壤而穴之鄭云復者復於土上鑿地曰穴皆如陶然故庾蔚云復謂地上累土謂之穴則穿地也

復穴皆開其上取明故雨霤之是以後因名室為中霤也云祀之先祭心者五藏之次心次肺至此心為尊也云祀中霤之禮設主於牖下者開牖象霤故設主於牖下也五祀皆先席於室之奧此不言者前祀戶注已備言也此別設主當廟室牖內之下而北嚮也云乃制心及肺肝為俎其祭肉心肺肝各一他皆如祀戶之禮者亦祭竟徹之更陳鼎俎迎尸如祭戶也 **注**大廟至含物也 正義曰案考工記云周人明堂東西九筵南北七筵凡室二筵則五室並皆二筵無大小也今中央室稱大室者以中央是土室土為五行之主尊之故稱大以夏之世室則四旁之室皆南北三步東西三步三尺中央土室南北四步東西四步四尺則周之明堂亦應土室在中央大於四角之室也但文不具耳云大路殷路者明堂位文也形制似殷之路者但服色尚黃飾之黃耳四時用鸞路此用大路者以土五行之主故取尊大之名乘殷之大路又尚質之義春有青蒼兩色夏有朱赤二色此及秋唯有黃白不更加他色

者黃與白更無餘色相涉故不言之耳牛土畜者案易乾
為馬坤為牛又五行傳云思之不睿則有牛禍是牛屬土
也云器圜者象土周帀於四時者方則有所不足圜則無
所不覆故云象土周帀於四時云闕讀如絃絃謂中寬者
祭義云天子冕而朱紘故讀從此絃謂組上屬於冕屈從
頤下度而還上屬於冕以中央寬緩象土之含物也故云
中寬象土

○孟秋之月日在翼昏建星中旦畢中

含物也

孟秋者日月會於鶉
尾而斗建申之辰也

其日庚辛

庚之言更也辛之言新
也日之行秋西從白道

成孰萬物月為之佐萬物皆肅然
改更秀實新成又因為日名焉

其帝少皞其神蓐

收

此白精之君金官之臣自古以來著德立功者
也少皞金天氏蓐收少皞氏之子曰該為金官

其蟲

毛

象物應涼氣而備寒
狐貉之屬生旃毛也

其音商

三分徵益一以生商
商數七十二屬金者

以其濁次官臣之象也秋氣和則孟秋氣律中夷則至則夷

商聲調樂記曰商亂則破其官壞則之律應夷則者大呂之所生也三分去一律長五寸七

百二十九分寸之四百五十一周語曰夷則所以詠歌九則平民無貳其數九金生數四成數九但其味辛其臭

腥金之臭味也凡辛腥者皆屬焉其祀門祭先肝秋陰氣出祀之於門外陰也祀

之先祭肝者秋為陰中於藏直肝肝為尊也祀門之禮北

面設主于門左樞乃制肝及肺心為俎奠于主南又設盛于俎東其他皆如祭竈之禮涼風至白露降寒蟬鳴鷹乃

祭鳥用始行戮皆記時候也寒蟬寒蜩謂蜺也鷹祭鳥者將食之示有先也既祭之

後不必盡食若人天子居總章左个乘戎路駕

君行刑戮之而已

白駱載白旂衣白衣服白玉食麻與犬其器

廉以深

總章左个大寢西堂南偏戎路兵車也制如周革路而飾之以白白馬黑鬣曰駱麻實有文理

屬金犬金畜也器廉以深象金傷害物入藏

疏

正義曰案三統曆七月節日在張十八度昏斗四度中去

日一百一十四度旦畢八度中七月中日在翼十五度昏斗十六度中去日一百一十一度旦井初度中元嘉曆七月節日在張五度昏箕二度中旦胃二度中七月中日在翼十度昏斗三度中旦昴七度中

注

少暉至金官

正

義曰案此秋云其帝少暉在西方金位左傳昭元年云昔金天氏有裔子曰昧為玄冥師生允格臺駘稱金天氏與少暉金位相當故少暉則金天氏也又帝王世紀少暉帝號曰金天氏云少暉氏之子曰該為金官者案左傳昭二十九年蔡墨云少昊氏之子該又云該為蓐收是為金神佐少暉於秋蓐收者言秋時萬物摧辱而收斂

注三分

至官壞 正義曰案律曆志云徵數五十四三分之則一分有十八今於徵數五十四上更加十八是商數七十二也凡五聲濁者尊清者卑爲商聲之濁次於宮官旣爲君商則爲臣故云以其濁次君臣之象也引樂記云者證商爲臣之義云商亂則陂者謂商聲雜亂感動人心令情性傾陂情旣不正是以官司敗壞也 **注**夷則至無二 正

義曰大呂長八寸二百四十三分寸之一百四三分去一下生夷則故夷則律長五寸七百分寸之四百五十一也六寸去二寸餘有四寸在又大呂一寸爲二百四十三分今每寸更三分之則一寸爲七百二十九分兩個整寸揔有一千四百五十八分其大呂二百四十三分寸之一百四每又三分之此一百四爲三百一十二分益前一千四百五十八則揔爲一千七百七十分下生三分去一分作三分則每一分得五百九十去其一分五百九十九餘有一千一百八十在是其積分以七百二十九分爲一寸益前四寸爲五寸餘有四百五十一分在故云夷則律

長五寸七百二十九分寸之四百五十一也引周語以下者證夷則之義案周語注云乾九五用事夷平則法也言法度平故可詠歌九功之法平民使不貸也 **注**祀之至之禮 正義曰云祀之先祭肝者秋爲陰中於藏值肝者以陰氣始於五月終於十月其七月八月爲陰之中故云秋爲陰中其陽氣始於十一月終於四月正月二月爲陽中故正月云春爲陽中然陰中之時兼有陽陽中之時兼有陰亦是陰陽之中也今五藏肺最在前心次之肝次之脾次之腎爲後肝在心肺之下脾腎之上故云於藏值肝然脾在肺心肝之下腎之上則是上有肺心肝下唯有腎不當其中而云春爲陽中於藏值脾者但五行相次水則次木故春繼於冬腎後則次脾其火後則次土土後乃次金故秋不得繼夏由隔於土由此脾不得繼肺隔於心也爲此肝之上有肺有心脾之下唯有腎俱得爲藏之中也云北面設主於門左樞者謂廟門外左樞北面以在門外故主得南嚮而北面設之云乃制肝及肺心爲俎奠于主

南設盛于俎東者皆約中雷禮文也其他皆如祭竈之禮也謂祭心肺肝各一及祭醴三并設席於奧迎尸之屬也

注寒蟬至而已

正義曰案釋蟲云蜋寒蜩郭景純云寒

蜋也似蟬而小青赤云鷹祭鳥者將食之示有先者謂鷹欲食鳥之時先殺鳥而不食與人之祭食相似猶若供祀先神不敢即食故云示有先也云既祭之後不必盡食若人君行刑戮之而已者以經用始行戮不據事以經唯記時候謂鷹祭鳥之後殺鳥不必盡食猶若人君行刑但戮之而已以人君行戮明鷹之殺言鷹於此時始行戮鳥之事是月也以立秋先立

秋三日大史謁之天子曰某日立秋盛德在

金

謁告

天子乃齊立秋之日天子親帥三公九

卿諸侯大夫以迎秋於西郊還反賞軍帥

武人於朝

迎秋者祭白帝白招拒於西郊之兆也軍帥諸將也武人謂環人之屬有勇力者

天子乃命將帥選士厲兵簡練桀俊專

任有功以征不義

征之言正也伐也

詰誅暴慢以明

好惡順彼遠方

詰謂問其罪窮治之也順猶服也

是月也命

有司脩法制繕囹圄具桎梏禁止姦愆

罪邪務搏執

順秋氣政尚嚴

命理瞻傷察創視折

理治獄官也有虞氏曰士夏曰大理周曰大司寇創之淺者曰傷

審斷決獄訟必

端平

端猶正也

戮有罪嚴斷刑天地始肅不可

以羸肅嚴急之言也羸猶解也是月也農乃登穀天子

嘗新先薦寢廟黍稷之屬於是始孰命百官始收斂順秋

氣收斂物宇隄坊謹壅塞以備水潦備者備八月也八月宿直畢畢

好雨脩宮室坏牆垣補城郭象秋收斂物當藏也是月也

毋以封諸侯立大官毋以割地行大使

出大幣古者於嘗出田邑此其月也而禁封諸侯割地失其義
疏正義曰案仲秋云以

犬嘗麻今不云牲者皇氏云不云牲記文略也
疏古者至其義正義曰案祭統古者於嘗也出田邑嘗謂秋祭

於此嘗祭之時王者割出田邑以與諸侯今正是嘗祭之月而禁封諸侯及割地之事故云失其義也鄭唯偏云不

封諸侯及割地失其義則毋立大官毋行大
使毋出大幣為得禮以其收斂之月故也 孟秋行冬

令則陰氣大勝 亥之氣 介蟲敗穀 介甲也甲

穀者稻 蟹之屬 戎兵乃來 十月宿直營室營室之 疏 正義

氣大勝天災介蟲敗穀地災戎兵乃來人災也 注介蟲

至之屬 正義曰案越語云越伐吳吳王使王孫雄請成

於越越王欲許之范蠡不許王孫雄謂范蠡曰先人有言

曰無助天為虐助天為虐者不祥今吳稻蟹無遺種子將

助天為虐乎注稻蟹謂蟹食稻也 注營室至武士 正

義曰案元命包云營室星十六度主軍之糧是主武士也

行春令則其國乃旱 寅之氣乘之也 陽氣

復還五穀無實 陽氣能生 行夏令則國多

而不能成

火災已之氣乘之也寒熱不節民多瘧疾瘧疾寒熱所為也今

月令瘧疾正義曰其國乃旱陽氣復還天災也五穀為疾疫**䟽**正義曰國無實地災也國多至瘧疾正義曰國

多火災寒熱不節天災也民多瘧疾人災也。○仲秋之月日在角昏牽

牛中旦觜觿中仲秋者日月會於壽星而斗建酉之辰也其日庚

辛其帝少暉其神蓐收其蟲毛其音商

律中南呂其數九其味辛其臭腥其祀

門祭先肝南呂者大族之所生三分去一律長五寸三分寸之一仲秋氣至則南呂之律應周

語曰南呂者贊陽秀物盲風至鴻鴈來玄鳥歸羣鳥養

羞

皆記時候也盲風疾風也玄鳥燕也歸謂去蟄也凡鳥隨陰陽者不以中國為居羞謂所食也夏小正曰

九月丹鳥羞白鳥說曰丹鳥也者謂丹良也白鳥也者謂閩蚘也其謂之鳥者重其養者也有翼為鳥養也者不盡食也二者文異羣鳥丹良未聞孰是天子居總章大廟乘戎路

駕白駱載白旂衣白衣服白玉食麻與

犬其器廉以深

總章大廟西堂當大室也

䟽

正義曰三統曆八月節日在軫

十二度昏斗二十六度中去日一百六度旦井二度中八月中日在角十度昏女三度中去日一百二度旦井二十一度中案元嘉曆八月節日在翼十七度昏斗十四度中旦畢十六度中八月中日在軫十五度昏斗二十四度中旦井九度中
注南吕至秀物 正義曰大簇長八寸三分去一下生南吕三寸去一寸六寸去二寸得四寸又有

整二寸在分一寸作三分二寸爲六分更三分去一餘有四分在以三分爲一寸益前四寸爲五寸仍有一分在故云南呂律長五寸三分寸之一也引周語曰以下者證南呂之義案周語注坤六二也南任也陰任陽事助成萬物贊佐也陰佐陽秀成物也 **注**盲風至孰是 正義曰盲風疾風者皇氏云秦人謂疾風爲盲風玄鳥鷺者釋鳥文玄鳥歸爲仲秋之候玄鳥至不爲仲春之候由別與郊禩爲候或可仲春時候非一故記時候之中不載玄鳥云凡鳥隨陰陽者不以中國爲居者凡鳥鴻鴈之屬也故季秋云鴻鴈來賓言來賓是不以中國爲居皇氏之說即兼云玄鳥以其稱歸故也然玄鳥之蟄不遠在四夷而云不以中國爲居者他物之蟄近在本處今玄鳥之蟄雖不遠在四夷必於幽僻之處非中國之所常見故云不以中國爲居也云羞謂所食者案夏小正云羞者進也若食之珍羞相似故云羞謂所食者也云夏小正曰九月丹鳥羞白鳥者今案大戴禮八月丹鳥羞白鳥今云九月者鄭所見本

異也丹鳥以白鳥為珍羞故云丹鳥羞白鳥云說曰丹鳥也者以下至不盡食皆小正文白鳥也者謂閩蚘也其謂之鳥者重其所養者丹良是蟲乃謂之鳥是重其所養之物不盡食之雖蟲而謂鳥也但未知丹良竟是何物皇氏以為丹良是熒火今案爾雅釋蟲郭氏等諸釋皆不云熒火是丹良未聞皇氏何所依據云二者文異羣鳥丹良未聞孰是者月令云羣鳥養羞夏小正云丹鳥羞白鳥是二者文異月令云羣鳥夏小正說者云丹良故云羣鳥丹良未聞孰是

孰是

是月也養衰老授几杖行糜粥飲食

助老氣也

乃命司服具飭衣裳文繡有恒制

有小大度有短長

此謂祭服也文謂畫也祭服之制畫衣而繡裳

衣服

有量必循其故

此謂朝燕及他服凡此為寒益至也詩云七月流火九月授衣於是

作之可也

冠帶有常

因制衣服而作之也

乃命有司申嚴百

刑斬殺必當毋或枉撓枉撓不當反受其

殃

申重也當謂值其罪

疏

正義曰此論養老及制衣服之事皆此月所為故言是月所命有司斬殺必當

雖異衣服養老但此事起孟秋此月申嚴而已故附於養老衣服之下不更別言是月也自乃命祝宰至先薦寢廟論循行犧牲享祭上帝并難以達秋氣犬以嘗麻摠是祠祀之事事異於上故言是月自可以築城郭至行罪无疑論築造城邑收斂積聚勸課種麥為農為民亦事異於上故云是月自日夜分至角斗用論晝夜既等齊平度量又事異於前故言是月自易關市至慎因其類論秋物新成使民財豐備無逆于天有順於時亦事異於前故言是月

注

此謂至繡裳

正義曰此云文繡又下文別云衣服有

量故鄭知此經謂祭服也經云具飭衣裳飭謂正也言備

其正理衣裳云文謂畫也者以經文與繡相對祭服裳繡而衣畫故以文爲畫也云祭服之制畫衣而繡裳者案尚書咎繇謨云予欲觀古人之象日月星辰山龍華蟲作會是衣畫也宗彝藻火粉米黼黻絺繡是裳繡也畫色輕故在衣以法天繡色重故在裳以法地也衣服有量必循其故正義曰此朝燕等之衣服小大長短及制度采色皆有度量必因循故法也不得別更改造此云循其故上云文繡有恒恒則故也但上是祭服委曲言之注此謂至之可正義曰上是祭服故知此是朝燕也及他服者謂戰伐田獵等之服引詩七月流火者證寒之益至故作衣服此詩是豳風周公所作周公因管蔡流言遂陳先公居豳施化之事言七月之時火星西流九月之時當授民以衣服注申重至其罪正義曰申重也釋古文云當謂值其罪者言斷決罪人之時必須當值所犯之罪經云枉撓不當枉謂違法曲斷撓謂有理不申應重乃輕應輕更重是其不當也

是月也乃命宰

祝循行犧牲視全具案芻豢瞻肥瘠察物色必比類量小大視長短皆中度五者備

當上帝其饗

於鳥獸肥充之時宜省羣牲也宰祝大宰大祝主祭祝之官也養牛羊曰芻犬豕曰豢五者謂所視也所案也所瞻也所察也所量也此皆得其正則上帝饗之上帝饗之而無神不饗也

天子乃難以達秋氣

此難難陽氣也陽暑至此不衰害亦將及人所以及

人者陽氣左行此月宿直昂畢昂畢亦得大陵積尸之氣氣佚則厲鬼亦隨而出行於是亦命方相氏帥百隸而難之王居明堂禮曰仲秋九門磔攘以發陳氣禦止疾疫以犬嘗麻先薦寢廟

麻始孰也

是月也可以築城郭建都邑穿竇窖

脩囷倉

為民將入物當藏也穿竇窖者入地隋曰竇方曰窖王居明堂禮曰仲秋命庶民畢入于室曰

時殺將至

乃命有司趣民收斂務畜菜多

母罹其災

積聚

始為禦冬之備

乃勸種麥毋或失時其有失

時行罪無疑

麥者接絕續乏之穀尤重之

是月也日夜分

雷始收聲蟄蟲坏戶殺氣浸盛陽氣曰

衰水始涸

又記時候也雷始收聲在地中動內物也坏益也蟄蟲益戶謂稍小之也涸竭也此

甫八月中雨氣未止而云水竭非也周語曰辰角見而雨畢天根見而水涸又曰雨畢而除道水涸而成梁辰角見九月本也天根見九月末也王居明堂禮曰季秋除道致梁以利農也

日夜分則同度

量平權衡正鈞石角斗角

疏

正義曰此月鳥獸肥充因宜省

視故命之循行犧牲以下之事也 視全具者亦宰祝所視也下皆然王肅云純色曰犧體完曰全 案芻豢者食草曰芻食穀曰豢皆案行之也瞻肥瘠者瞻亦視也肥充也瘠瘦也 察物色者物色駢黝之別也周禮陽祀用駢陰祀用黝望祀各以其方之色也 必比類者已行故事曰比品物相隨曰類五方本異其色是比也大睥配東亦用青是其類也 量小大者大謂牛羊豕成牲者小謂羔豚之屬也 視長短者謂天地之牛角繭栗宗廟之牛角握之屬也 五者備當上帝其饗者上帝天也若事事當法則天神饗之也 **注**宰祝至曰豢 正義曰案周禮大宰職祀五帝則掌百官之誓戒及執事眡滌濯及納亨贊王牲事故鄭知此視牲由大宰云養牛羊曰芻犬豕曰豢者案充人云祀五帝繫于牢芻之三月是牛羊曰芻案樂記云豢豕爲酒周禮犒人云掌豢祭祀之犬是犬豕曰豢

注難難至疾疫 正義曰季冬及季春難皆難陰氣也恐此亦難陰氣故云難陽氣言陽氣至此不衰害亦將及人也秋涼之後陽氣應退至此不退是涼反熱故害及於人云亦將及人者亦謂對季春言季春之時陰氣右行日在昴畢之間得大陵積尸之氣故爲災今此月陽氣左行至於昴畢亦得大陵積尸之氣故云亦將及人云陽氣左行此月宿直昴畢者以天左旋星辰與斗建循天而行此月斗建在酉酉是昴畢本位故云宿直昴畢也其八月合昏之時斗柄建指昴畢本位其昴畢之星於時在寅云氣佚則厲鬼隨而出行者大陵旣爲積尸秋時又得陽氣增益疾病應氣相感故厲鬼隨而出行云亦命方相氏者亦季冬以周禮季冬命方相氏故云亦也引王居明堂禮者證仲秋難義云以發陳氣者謂秋時涼氣新至發去陽之陳氣防禦禁止疾疫之事也旣引明堂禮仲秋九門磔攘則此亦磔攘也但文不備耳季冬云大難明九門磔攘季冬稱大則貴賤皆爲也季春云國難熊氏云唯天子諸侯有

國爲難此云天子乃難唯天子得難以其難陽氣陽是君象則諸侯以下不得難氣也案陰氣陽氣至大陵俱致積尸疫氣案十一月陽氣至于危虛而不難十二月陰氣至于虛危而爲難者以十一月陽氣初起未能與陰相競故無疫疾可難六月宿直柳鬼陰氣至微陰始動未能與陽相競故無疾害可難也季冬亦陽初起而爲難者以陰氣在虛危又是一歲之終揔除疫氣故爲難也其磔攘之牲案小司徒職云小祭祀奉牛牲又牧人云凡毀事用牝可也是則用牛也羊人云凡沈辜侯禳共其羊牲犬人云凡幾珥沈辜用駝可也雞人云面禳共其雞牲是則用羊用犬用雞也蓋大難用牛其餘雜攘大者用羊用犬小者用雞此皆熊氏之說也

注隋曰至其災正義曰隋者似方非方似圓非圓以其名竇與窖相似故云隋曰竇方曰窖者竇旣爲隋圓故以窖爲方也引王居明堂禮證此月築城郭建都邑之意云殺氣將至無懼其災者於此仲秋之時戒勅於民曰此時殺害氣將欲至民當入室無在田

野羅被其災案幽詩十月之後云嗟我婦子曰爲改歲入此室處此仲秋已入室者但仲秋之時耘鋤既了暫時入室以避陰災未盡成熟須出野收斂至十月之後又入室避寒所以不同

注

麥者接絕續乏之穀尤重之

正義

曰前年秋穀至夏絕盡後年秋穀夏時未登是其絕也夏時人民糧食闕短是其乏也麥乃夏時而孰是接其絕續其乏也尤重之者以黍稷百穀不云勸種於麥獨勸之是尤重故也蔡氏云陽氣初胎於酉故八月薺麥應時而生也

注

雷始至利農

正義曰知動內物者以雷是陽氣

主於動不惟地中潛伏而已至十一月一陽初生震下坤上復卦用事震爲動坤爲地是動於地下是從此月爲始故云動內物也云蟄蟲益戶稍小之者戶謂穴也以土增益穴之四畔使通明處稍小所以然者以陰氣將至此以坏之稍小以時氣尚溫猶須出入故十月寒甚乃閉之也云此甫八月中氣雨未止而云水竭非也者甫始也以雨畢在九月初今此始八月之中對九月爲始八月宿直

昴畢畢星主雨故云雨氣未止今言水竭非也引周語以下者證九月水始涸不得在八月也云辰角見而雨畢注云辰角大辰蒼龍之角角星名見者朝見東方殺氣日盛雨氣盡也云天根見而水涸者注云天根亢氏之間謂寒露雨畢之後五日天根朝見水潦盡竭又云雨畢而除道水涸而成梁者以國語上文既云水涸下又云水畢除道故云又曰所以除道治梁者國語注治道所以便行旅通也成梁所以使民不涉皆國語文云辰角見九月本天根見九月末此鄭之言也九月本謂九月之初也案律曆志角十二度亢九度天根在亢之後辰角與天根相去二十一度餘日較一度則九月本與九月末相去二十一日有餘也而韋昭注國語辰角見雨畢之後五日天根見不同者蓋辰角見後雨以漸而畢畢後五日始天根見中間亦較二十餘日也非謂辰角見後五日則天根見也國語皆謂朝見以今管曆驗之亦然而皇氏云九月之時辰角天根昏見東方未聞也不知何意如此之說此周語所云單

襄公聘宋假道於陳見靈公與孔寧儀行父如夏氏單襄公歸告周定王之辭也鄭又引王居明堂禮以下者證雨畢水涸在季秋也云除道致梁以利農者農既收刈當運輦故法地治道水上為梁便利民之轉運故云以利農也

是月也易關市來商旅納貨賄以便民

事四方來集遠鄉皆至則財不匱上無乏

用百事乃遂易關市謂輕其稅使民利之商旅賈客也匱亦乏也遂猶成也凡舉

大事毋逆大數必順其時慎因其類事謂興土

功合諸侯舉兵衆也季夏禁之孟秋始征伐此疏正義曰關

月築城郭季秋教田獵是以於中為之戒焉其賦稅不為節礙是易關市也關市既易則商旅自來是來商旅也商旅既來則貨賄自入是納貨賄也以此之故便

利民人之事四方揔來聚集遠鄉於是皆至貨賄既多則庫財不匱所須皆供故國無乏用上下豐足故百事乃遂遂成也百事皆成於此之時興舉其事無逆天之大數必須順其陰陽之時謹慎因其事類不可煩亂妄為

注事

謂至戒焉

正義曰以此月云築城郭故云事謂興土功

孟秋云始征伐季秋云教田獵故云合諸侯舉兵衆也但此月上有孟秋始征伐下以季秋教田獵故云是以於中爲之戒焉

仲秋行春令則秋

雨不降

卯之氣乘之也卯宿直房心心爲大火

草木生榮

應陽動也

國

乃有恐

以火訛相驚

疏

正義曰秋雨不降天災草木至榮地災國乃有恐人災

注

宿直房

心心爲大火

正義曰鄭云此者解仲秋行春令時雨不降之意仲秋是應雨之時今行春之令位當卯致大火之

氣火是積陽故時雨不降

注

以火訛相驚

正義曰以

仲秋致仲春火氣故有火但仲秋爲金仲春爲木金能尅

木又仲秋雨永水又尅火火竟不能為害
但以訛偽言語相驚故云以火訛相驚
行夏令則

其國乃旱蟄蟲不藏五穀復生
午之氣乘之也
疏正

曰其國乃旱天災也蟄蟲不藏五穀復生地災也
行冬令則風災數起
子

氣乘之也
收雷先行
先猶蚤也
草木蚤死
寒氣盛也

疏
正義曰風災數起收雷先行大災草木蚤死地災
○季秋之月日在房

昏虛中旦柳中
季秋者日月會於大火而斗建戌之辰也
其日庚

辛其帝少暉其神蓐收其蟲毛其音

商律中無射其數九其味辛其臭腥其

祀門祭先肝

無射者夾鍾之所生三分去一律長四寸六千五百六十一分寸之六千五百

二十四季秋氣至則無射之律應周語曰無射所以宣布喆人之令德示民軌儀

鴻鴈來賓

爵入大水為蛤鞠有黃華豺乃祭獸戮禽

皆記時候也來賓言其客止未去也大水海也戮猶殺也

天子居總章右个乘

戎路駕白駱載白旂衣白衣服白玉食麻

與犬其器廉以深

總章右个西堂北偏

䟽

正義曰三統曆九月節日在氏

五度昏虛二度中去日九十七度旦張初度中九月中日在房五度昏危三度中去日九十三度旦張十八度中案元嘉曆九月節日在亢一度昏牛八度中旦井二十九度中九月中日在氏七度昏女十一度中旦柳十一度中

注無射至軌儀

正義曰案夾鍾之律長七寸二千一百

八十七分寸之千七十五下生者三分去一今夾鍾七寸取六寸三分去一有四寸在夾鍾以一寸爲二千一百八十七分今更三分之則一寸者分爲六千五百六十一分夾鍾二千一百八十七分寸之千七十五者又三分之則爲三千二百二十五其夾鍾整寸有六千五百六十一又以三千二百二十五益之揔爲九千七百八十六分三分至一則去三千二百六十二餘有六千五百二十四在故云無射律長四寸六千五百六十一分寸之六千五百二十四也引周語曰以下者證無射之義云宣布詁人之令德示民軌儀者案周語注云乾上九用事無射陽氣上外陰氣收藏萬物無射者也詁人后稷布其德教示以法儀當及時銓穫而收藏之

注來賓至殺也

正義曰上仲

秋直云鴻鴈來今季秋云來賓以仲秋初來則過去故不云賓今季秋鴻鴈來賓者客止未去也猶如賓客故云客止未去也大水海也者案國語云雀入于海爲蛤故知大

水是海也云戮猶殺也者以經祭獸戮禽禽獸皆殺之但殺獸而又陳戮禽則殺之而已不以爲祭故直云戮禽此亦互文也禽獸初得皆殺而祭之後得者殺而不祭也 是月也申嚴號令申重

命百官貴賤無不務內以會天地之藏無

有宣出內謂收斂入之也乃命冢宰農事備

收備猶盡也舉五穀之要定其租稅之簿藏帝藉之收

於神倉祗敬必飭重染盛之委也帝藉所耕千畝也藏祭祀之穀爲神倉祗

亦敬正義曰於此月之時勅命百官貴之與賤無不

也疏務內內謂收斂其物言貴之與賤無有一人不勤務收斂內物以會天地之藏者會猶趣也言心皆趣嚮天地所藏之事謂心順天地以深閉藏也無有宣出者以

物皆收斂時又閉藏無得有宣露出散其物以逆時氣
藏帝至必飭正義曰帝藉者供上帝之藉田也神倉者

貯祀鬼神之倉也言天子於此月命冢宰藏此帝藉所收
禾穀於此神倉之中當須敬而復敬必使飭正注重粢

至亦敬正義曰委謂委積之物重此粢盛委積之物故

內於神倉公羊傳桓十四年御廩災御廩者何粢盛委之

所藏皇氏云委謂輸也其義非云帝藉所耕千畝者鄭康

成云藉之言借也借民力所治之田也祭義云天子為藉

千畝冕而朱紘躬秉耒祭統云天子親耕於南郊是藉田

在南郊也云藏祭祀之穀為神倉者以其供神之物故曰

神倉祇亦敬者經有敬字祇又訓為敬故云

祇亦敬言敬者恒以敬敬為心不有怠慢也是月也

霜始降則百工休寒而膠漆之作不堅好也乃命有司曰

寒氣總至民力不堪其皆入室總猶猥卒上丁

命樂正入學習吹

為將饗帝也春夏重舞秋冬重吹也

是月也

大饗三帝

言大饗者遍祭五帝也曲禮曰大饗不問卜謂此也

嘗犧牲告備

于天子

嘗者謂嘗羣神也天子親嘗帝使有司祭于羣神禮畢而告焉

合諸侯制

百縣為來歲受朝日與諸侯所稅於民輕

重之法貢職之數以遠近土地所宜為度

以給郊廟之事無有所私

秦以建亥之月為歲首於是歲終使諸侯

及鄉遂之官受此法焉合諸侯制者定其國家宮室車旗衣服禮儀也諸侯言合制百縣言受朝日互文也貢職謂所入天子凡周之法以正

疏

正義曰上文自申嚴號令至祗敬必飭論務內必須

月和之正歲而縣於象魏

敬慎從此霜始降至習吹論霜降寒來人皆入室又爲饗
帝當習吹順時氣習吹雖與入室不同但饗帝大事則須
更云是月故習吹之事附於入室之下自大饗帝至無有
所私論大饗明堂及嘗犧牲告備并諸侯來歲之制稅民
輕重貢賦之數皆大事相連事異於上故言是月天子乃
教田獵及祭禽于四方論順時田獵以習兵戎事異於前
故言是月草木黃落至供養之不宜論草木黃落蟄蟲閉
戶斷決獄刑收減祿秩事異於前故又言是月天子以大
嘗稻先薦寢廟事重故特言是月也 注爲將至重吹
正義曰以下有饗帝之文此有習吹之事故云爲將饗帝
其習舞吹必用丁者取其丁壯成就之義欲使學者藝業
成故也 注言大至謂此 正義曰若祭一帝之時則禮
器謂之饗帝今云大饗故知徧祭五帝也此大饗與帝連
文故謂祭天禮器大饗其王事與彼下云三牲魚腊九州
之美味是四方助祭之物故以大饗爲禘也與此不同引
曲禮云大饗不問卜謂此者以曲禮大饗不云帝此云大

饗帝不云不問卜恐是別事諸儒多以爲疑故鄭執之云
曲禮所云謂此也鄭必知曲禮大饗非指祫祭必是此大
饗帝者以周禮祀大神享大鬼帥執事而卜日若祫祭不
得云不問卜也此既五帝皆饗莫適卜可從故知不問卜
謂此也 嘗犧牲告備於天子 正義曰嘗犧牲者謂嘗
祭羣神以犧牲於時有司嘗祭其事既畢告祭備具於天
子也 **注**嘗者至告焉 正義曰此犧牲之文繼饗帝之
下知非欲饗帝之時使有司展犧牲告其備具而云嘗謂
嘗羣神者以四月大雩以祈穀實雩上帝之後云雩祀百
辟卿士是雩帝之外別雩羣神九月大饗以報功明饗帝
之外亦饗羣神故知此嘗嘗羣神云使有司祭於羣神者
以其經云告備於天子故知是有司帝是尊神故知天子
親祭經云饗帝鄭云天子親嘗者嘗是秋祭之名因經有
嘗犧牲之文雖天子亦曰嘗以秋物新成故也 合諸至
所私 正義曰合諸侯制者秦十月爲歲首此月歲之終
也當入新歲故合此諸侯之法制又命百縣爲來歲受朔

日之政令并授諸侯所稅於民輕重之法貢職之數天子有朔日政令諸侯所稅民輕重之法貢職之數皆天子制之百縣此來受處分故云受朔與諸侯所稅於民輕重之法貢職之數皆天子之制言與者兼事之辭以遠近土地所宜爲度者言定稅輕重入貢多少皆以去京遠近之差土地所宜之物爲節度無有所私者言既給郊廟重事事百縣等物無得有所偏私不如法制也

注

秦以至象魏

正義曰案史記秦文公獲黑龍自爲水瑞命河爲德水以十月爲歲首云定其國家宮室車旗衣服禮儀者此皆周禮典命文也彼注云國家國之所居謂城方也云互文者諸侯言合制則百縣亦合制百縣言來歲受朔日則諸侯亦來歲受朔日也故云互文諸侯謂畿外國百縣謂鄉遂云貢職謂所入天子者以經云稅於民輕重之法又云貢職之數其文旣重故知稅於民者是積貯本國貢職之數者是輸納天子云周之法以正月和之者案大宰職正月之吉始和布治于邦國都鄙云正歲而縣于象魏者小宰

禮記正義卷第二十四
職云正歲縣治象
之法于象魏是也

禮記正義卷第二十四

禮記正義卷第二十五

郭氏

國子祭酒上護軍曲阜縣開國子臣孔穎達等奉

勅撰

是月也天子乃教於田獵以習五戎班馬

政

教於田獵因田獵之禮教民以戰法也五戎謂五兵弓矢父子戈戟也馬政謂齊其色度其力使同乘也

校人職曰凡軍

疏

正義曰天子乃教於田獵者天子於事物馬而頒之此陰殺之時乃教人以戰法於田獵

之事謂因田獵而教之也

以習五戎者謂於田獵之時令人習用五種兵戎之器班馬政者謂班布乘馬之政

令

注

五戎至頒之

正義曰知五戎是五兵者以別云

班馬政則五戎非馬也下文云七騶咸駕則知五戎非五



戎車也且車不須更習故知五戎五兵也案周禮司兵掌五兵鄭司農注五兵者戈殳戟酋矛夷矛後鄭又注云步卒之五兵則無夷矛而有弓矢如鄭所云則此注據步卒五兵弓矢一也殳長丈二二也矛長二丈三也戈長六尺六寸四也戟長一丈六尺五也此隨便而言不依周禮長短之次也云馬政謂齊其色度其力者案毛詩傳云宗廟齊豪尚純也戎事齊力尚強也田獵齊足尚疾也此對文言之則戎事齊力故校人職云凡軍事物馬而頒之注云物馬齊其力但戎事以力為主耳亦須齊色故詩云駟驥彭彭是齊色也

命僕及七騶

咸駕載旌旐授車以級整設于屏外

僕戎僕及

御夫也七騶謂趣馬主為諸官駕說者也既駕之又為之載旌旗司馬職曰仲秋教治兵如振旅之陳辨旗物之用王載大常諸侯載旂軍吏載旗師都載旛鄉遂載物郊野載旐百官載旗是也級等次也整正列也設陳也屏所由

之地門

司徒搢扑北面誓之

誓衆以軍法也

天子乃厲

飾執弓挾矢以獵

厲飾謂戎服尚威武也今月令獵爲射

命主祠

祭禽于四方

以所獲禽祀四方之神也司馬職曰羅弊致禽以祀枋

䟽

命僕至屏

外

正義曰前旣班馬政乃命戎僕御夫及七騶等皆以

馬駕車又載旌旄旣畢授此七戎之車以其尊卑等級正

其行列設於軍門屏之外東西廂以爲行陳於是司徒在

兩行之間北面誓之或者屏之外左右六軍嚮南而陳司

徒於陳前北面誓之也

注

僕戎至之蔽

正義曰案周

禮戎僕掌馭戎車故知僕是戎僕也以其教戰故不用田

僕云及御夫者案周禮馭夫掌馭從車使車注云從車戎

路田路之副也使車驅逆之車故知及御夫也云七騶謂

趣馬主爲諸官駕說者案周禮趣馬職云掌駕說之頒謂

第次也是貴賤等列故云爲諸官駕說也七騶者皇氏云

天子馬有六種種別有騶則六騶也又有摠主之人并六騶爲七故爲七騶引司馬職以下者證九旗之異也載旌旌者課舉以言之案周禮司常云日月爲常交龍爲旌通帛爲旛雜帛爲物熊虎爲旗鳥隼爲旟龜蛇爲旐全羽爲旞析羽爲旂及國之大閱贊司馬頒旗物王建大常諸侯建旂孤卿建旛大夫士建物師都建旗州里建旗縣鄙建旐道車載旐旒車載旌注云師都六鄉六遂大夫也州里縣鄙鄉遂之官互約言之則州里謂鄉中之州長黨正族師遂中里宰鄰長也縣鄙者遂中縣正鄙師鄰長及鄉之間胥比長也道車象路也視朝行道旒車木路也王以田以鄙此是仲冬大閱之時各象治民之事空習其事故所建旌旗不如仲秋治兵實出軍之事故鄭注大司馬云空辟實也言大閱是空治兵是實故云空辟實實者則此所引司馬職仲秋治兵是也案司馬職云王載大常諸侯載旌軍吏載旌師都載旛鄉遂載物郊野載旐百官載旗注軍吏諸帥也帥都遂大夫也鄉遂鄉大夫也或載旛或載

物衆屬軍吏無所將也郊謂鄉遂之州長縣正以下也野謂公邑大夫載旒者以其將羨卒也百官卿大夫也載旛者以其屬衛王也案周禮云鄉遂今此注師遂載物者轉寫誤也旣以師都爲遂大夫載旛無容故違周禮云鄉遂載物然王侯所載與仲冬大閱同尊故不變也其餘則異隨時事也以其出兵教戰故無道車旂車也其王建大常皆乘戎路異於在國也故司常注云王路金路不出春教振旅者以陽氣方長兵宜止息也夏芟舍者以草木茂盛故教以草舍秋教治兵者以殺氣方盛則匿邪惡故教兵冬教大閱者以冬閑無事備習威儀故因其田獵教以簡閱去屏所田之地門外之蔽者案詩傳云褐纒旃以爲門驅而入擊則不得入旣門外驅車則不得有屏此門外之屏者蓋車入之時則去屏無事之時則設屏也司徒摯扞北面以誓之正義曰司徒地官掌邦教誓者也故司徒職云施十有二教八曰以誓教恤則民不怠司馬職云遂以蒐田有司表貉誓民鄭云有司大司徒也掌大田役

治徒廢之政令誓民誓以犯田法之罰也誓曰無干車無自後射案於經注則司徒主誓今田獵出軍亦於所獵之地而摺扑北面誓之也摺挿也

注

誓衆以軍法也

正義曰

軍法之誓有異田獵之誓則云無干車如蒐田之法也今此大閱之誓以依軍法故司馬中冬大閱云羣吏聽誓于陳前斬牲以左右徇陳曰不用命者斬之鄭注云凡誓之大略甘誓湯誓之屬是也今又案經注則軍法之誓必斬殺也其誓尚書甘誓云左不攻于左右不攻于右予則孥戮汝之屬是也然鄭注司馬中冬大閱引此九月季秋之令將爲大閱之誓而去作月令者說季秋之政於周爲中冬失之矣而今在此不非之者緣已非於彼不復重言於此也而注旌旂不作冬法而依秋禮言之者此文記者雖誤將作周中冬而文旣在夏秋故因言秋禮也熊氏以爲此文載旌旂故解爲中秋治兵大司馬有羣吏聽誓故引此司徒北面以誓證爲中冬兩解其義俱得通也

注

厲飾至爲射

正義曰厲飾謂嚴厲武猛容飾定本飾

謂容飾也俗本作飭非也能氏云謂戎服者韋弁服也以
秋冬之田故韋弁服若春夏則冠弁服故司服云凡甸冠
弁服義或然也 命主祠祭禽于四方 正義曰謂獵竟
也主祠謂典祭祀者也禽者獸之通名也四方四方有功
於方之神也四時田獵皆祭宗廟而分時各以爲主也春
時土方施生獵則祭社爲主也夏時陰氣始起象神之在
內獵則祭宗廟爲主也秋時萬物以成獵則以報祭社及
四方爲主也冬時萬物衆多獵則主用衆物以祭宗廟而
亦報於物有功之神於四方也此天子獵旣畢因命典祀
之官取田獵所獲之禽還祭於郊以報四方之神也冬獵
亦何以知然案鄭注秋獮祀方云秋田主祭四方報成萬
物詩曰以社以方下云方迎四方氣於郊也鄭又云秋祭
社與四方爲五穀成熟報其功也又司馬冬狩云致禽饁
獸于郊入獻禽以享烝鄭云冬田主用衆物多衆得取也
致禽饁獸于郊聚所獲禽因以祭四方神於郊也月令季
秋天子旣田命主祠祭禽四方是也入又以禽祭宗廟案

於經注更相引證如可見矣其祭四方但用此禽又用別牲故甫田云與我犧羊以社以方是也此祀四方者謂四

方五行之神也是月也草木黃落乃伐薪為炭伐木

必因殺氣蟄蟲咸俯在內皆瑾其戶瑾謂塗閉之辟殺氣乃

趣獄刑毋留有罪殺氣已至有罪者即決也收祿秩之不

當供養之不宜者天氣殺而萬物咸藏可以去之也祿秩之不當恩所增加也供

養之不宜欲所貪者熊蹯之屬非常食是月也天子乃以犬嘗稻

先薦寢廟稻始孰也季秋行夏令則其國大水

冬藏殃敗民多勲嚏未之氣乘之也六月行宿直東井氣多暑雨

冬令則國多盜賊邊竟不寧土地分裂

丑之

氣乘之也極陰為外邊竟之象也大寒之時地隆圻也

行春令則煖風來至

民氣解惰

辰之氣乘之也巽為風

師興不居

辰宿直角角主兵不居象

風行不休止也

䟽

蟄蟲至其戶月但藏而坏戶至此月既寒故垂頭嚮下以

正義曰俯垂頭也瑾塗也前

隨陽氣陽氣稍沈在下也而又塗塞其戶穴以避地上陰殺之氣也收祿至宜者正義曰春夏陽氣寬施許人

主從時雖祿秩不當亦所權許今秋陰氣急斂禁罰必當是春夏所權置者今悉收停之也祿秩不當謂彼人不應得祿而王恩私與之者供養不宜謂非常之膳求不可得者也季秋至勲噓正義曰其國大水天災冬藏殃敗地災民多勲噓人災行冬至分裂正義曰國多盜賊邊竟不寧人災土地分裂地災

注

極陰為外邊竟之象

正義曰以十一月一陽生十二月二陽生陽在內伏於地
下四陰在地上故云極陰為外也 行春至不居 正義
曰煖風來至天災民氣 解情師興不居人災 孟冬之月日在尾昏危

中旦七星中 孟冬者日月會於析木 其日壬癸
之津而斗建亥之辰也

壬之言任也癸之言揆也日之行冬北從黑道閉藏萬物
月為之佐時萬物懷任於下揆然萌芽又因為日名焉

其帝顓頊其神玄冥 此黑精之君水官之臣自古
以來著德立功者也顓頊高

陽氏也玄冥少暉氏之 其蟲介 介甲也象物閉藏
子曰脩曰熙為水官 地中龜鼈之屬 其

音羽 三分商去一以生羽羽數四十八屬水者以為最
清物之象也冬氣和則羽聲調樂記曰羽亂則危

其財 律中應鍾 孟冬氣至則應鍾之律應應鍾者
匱姑洗之所生三分去一律長四寸

二十七分寸之二十周語
曰應鍾均利器用俾應復

其數六

水生數一成數六但言六者亦舉其成數

其味鹹其臭朽

水之臭味也凡鹹朽者皆屬焉氣若有若無為朽

其祀行

祭先腎

冬陰盛寒於水祀之於行從辟除之類也祀之先祭腎者陰位在下腎亦在下腎為尊也行在

廟門外之西為轅壤厚二寸廣五尺輪四尺祀行之禮北面設主于轅上乃制腎及脾為俎奠于主南又設盛于俎

東祭肉腎一脾再其

他皆如祀門之禮

水始冰地始凍雉入大水

為蜃虹藏不見

皆記時候也大水淮也大蛤曰蜃

天子居玄堂

左个乘玄路駕鐵驪載玄旂衣黑衣服玄

王食黍與彘其器閼以奄

玄堂左个北堂西偏也鐵驪色如鐵黍秀

舒散屬火寒時食之亦以安性也彘水畜也器闕而奄象物閉藏也今月令曰乘軫路似當為軫字之誤也

疏

孟冬至星中 正義曰案三統曆十月節日在尾十度昏

危十四度中去日八十九度旦翼初度中十月中日在箕

七度昏室十度中去日八十六度旦軫五度中案元嘉曆

十月節日在心二度昏危一度中旦張八度中十月中日

在尾十二度昏危十三度中旦翼八度中 **注**顓頊至水

官 正義曰案五帝德云顓頊高陽氏姬姓也又帝王世

紀云生十年而佐少暉十二年而冠二十年而登帝位在

位七十八年而崩以水承金也云玄冥少暉氏之子曰脩

曰熙者案昭二十九年左傳云少暉氏有子曰脩曰熙又

云脩及熙為玄冥是相代為水官也 **注**三分至十八

正義曰商數七十二三分之一分有二十四去其二十

四餘有四十八故羽數四十八也其數既少故為最清清

者最賤物比於人亦為賤故云物之象也 **注**應鐘至應

復 正義曰姑洗之律長七寸九分寸之一三分去一則

六寸去一寸有四寸在餘有整一寸九分寸之一更三分一寸爲二十七分九分寸之一爲三分并二十七分揔爲三十分三分去一去其十分餘有二十分在故云應鐘律長四寸二十七分寸之二十也引周語以下者證應鐘之義案春秋說云應其鐘注云應鐘應其種類律曆志應鐘言陰氣應無射該藏萬物而雜陽閔種注云閔藏塞也陰雜陽氣藏塞爲萬物作種晉灼曰外閉曰閔以此言之云應其種類正謂應無射也云均利器用俾應復者案周語注坤六三用事應當也言陰當代陽用事百物可鍾藏則均利百工之器俾應復者陰陽用事終而復始也注行在至之禮正義曰知行在廟門外之西者約檀弓云毀宗躐行自此以下皆中雷禮文廣五尺輪四尺者謂較壇東西爲廣南北爲輪常祀行神之壇則然若於國外祖道較祭其壇隨路所嚮而爲廣輪尺數同也案鄭注聘禮云禮畢乘車轆而遂行唯車之一輪轆耳所以然者以兩輪相去八尺今較唯廣五尺故知不兩輪俱轆云北面設主較

上者以主湏南嚮故人北面設之其主則鄭注大馭云蓋以菩芻棘柏爲神主也注大水淮也正義曰知大水淮者晉語云雉入于淮爲蜃載玄旂衣黑衣服玄玉正義曰春云載青旂衣青衣服蒼玉青深而蒼淺旂與衣雖人功所爲不可淺深異色故同用青也玉是自然之色不可純青故用蒼之淺色夏云載赤旂衣朱衣服赤玉與春不類者亦以朱深而赤淺旂可用淺衣必用深故衣旂異色赤玉與蒼玉同俱是其色淺也冬云載玄旂衣黑衣服玄玉者亦以黑深而玄淺旂用淺色故其色玄衣用深色故其色黑與夏同也服玄王者王從自然之色故其色淺而用玄玉也猶如夏云赤玉春云蒼玉相似也注今月至之誤正義曰鄭以此月乘軫路軫是車之後材路皆有軫何得云乘軫路此軫字當衣旁著軫軾是玄色故以今月令軾字似當爲軾字錯誤以車旁爲之必知軾字爲色者以此經云乘玄路玄軾義同故昏禮云女從者畢軾玄鄭雖以軾爲同要軾是玄之類

是月也

以立冬先立冬三日大史謁之天子曰某

日立冬盛德在水天子乃齊謁告立冬之日

天子親帥三公九卿大夫以迎冬於北郊

遠反賞死事恤孤寡迎冬者祭黑帝叶光紀於北郊之北也死事謂以國

事死者若公叔禺人顏涿聚者也孤疏天子至孤寡正義曰亦率羣

寡其妻子也有以惠賜之大功加賞臣至北郊迎黑帝叶光紀而顓頊玄冥配之不言諸侯亦

如夏空其文也還反賞死事者還於郊反亦反於朝也賞死事謂臣人有為國事死者北郊還因殺氣之盛而賞

其家後也恤孤寡者恤供給也孤寡即死事者妻子也財祿供給之也注死事至加賞正義曰舉死事之人證

上不能謀士不能死何以治民吾既言之矣敢不勉乎乃
 與其嬖僅汪錡赴敵皆死雖無賞賜之文而亦死事之義
 故以證之哀二十三年晉知伯親禽顏庚注云齊大夫顏
 涿聚二十七年齊師將興屬孤子三日朝設乘車兩馬繫
 五邑焉召顏涿聚之子晉曰隰之役而父死焉今君命女
 以是邑也服車而朝是其加賞也兼平常惠賜養幼少恤
 孤寡亦是也

是月也命太史釁龜策占兆審卦

吉凶

策著也占兆龜之繇文也周禮龜人上春釁龜謂
 建寅之月也秦以其歲首使太史釁龜策與周異

矣卦吉凶謂易也審省錄之而不覺筮
 筮短賤於兆也今月令曰釁祠祠衍字

是察阿黨則

罪無有掩蔽

阿黨謂治獄吏以私恩曲撓相為也

䷗

是月至吉凶 正義曰從命太史至

無有掩蔽論釁祠龜策察阿黨事異於上立冬之日故別
 言是月也從天子始裘至貴賤之等級論天子身事及命

飭百官蓋藏之事及喪紀棺槨等級以事異於上故言是月也自命工師至以窮其情論飭工匠營造盡情事異於前故言是月自大飲蒸至射御角力論祭祀之事勞農講武亦事異於前故更言是月自乃命水虞至行罪無赦論收斂藪澤之賦必須得所勿侵削下民亦事異於前故言是月也 命大至吉凶 是月大史之官釁龜筮謂殺牲以血塗釁其龜及筮筮謂著也亦以血塗之占兆者龜之繇文非但釁此龜筮又釁此占兆繇文此占兆之語蒙上釁文也審卦吉凶者卦吉凶謂易也易有六十四卦或吉或凶故云卦吉凶卦之吉凶但是筮耳筮短賤於龜兆不得塗釁但省視錄之而已故云審卦吉凶卦既云吉凶明兆亦有吉凶但占兆與龜筮連文故略而不言吉凶也 **注** 筮著至衍事 正義曰曲禮云筮爲筮知是著也云占兆龜之繇文者上與龜筮不同下與卦吉凶又別故言龜之繇文則占兆之書也則周禮大卜云其經皆百有二十其頌皆千有二百是也引周禮龜人上春釁龜謂建寅之月

秦以孟冬爲歲首謂建亥月豐龜筮故云與周異也鄭之此注與周禮不同周禮云上春豐龜注引月令孟冬豐祠龜策相互矣者周禮云上春豐龜明秦亦以上春豐龜秦以孟冬豐龜筮明周亦孟冬豐龜筮故云相互也注周禮又云月令秦世之書亦或從以歲首豐龜耳則與此同也謂秦十月爲歲首一豐而已周禮上春者亦謂夏之建寅之月但歲首一豐而已無一年兩豐之事此鄭氏注周禮別解其義也今此月令之注與周禮上春豐龜以爲建寅之月則此與周禮不同彼此鄭爲兩解也云審省錄之而不豐筮短賤於兆者以卦吉凶謂易也直言審不云豐故言審省錄之而不豐所以不豐者易是筮卦之書賤於龜之書故龜繇云豐之筮書則省錄而已觀鄭注占兆豐之分明而皇氏云唯豐龜筮命大史唯占視兆書不豐與鄭注違其義非也云筮短者左傳僖四年晉獻公卜驪姬不吉筮之吉公曰從筮卜人曰筮短龜長不如從長杜元凱注云筮以數告故短龜以象示故長是筮短龜長之事也

是月至掩蔽正義曰是察阿黨者謂當是正審察獄吏

阿黨之事則在下犯罪之人獄吏不能掩蔽故云無有掩

蔽九月授衣至是月也天子始裘此可以加裘命有司

曰天氣上騰地氣下降天地不通閉塞而

成冬使有司助閉藏之氣門戶命百官謹蓋藏謂

庫因倉有藏物命司徒循行積聚無有不斂謂芻

蒸之屬坏城郭戒門閭脩鍵閉慎管籥固封

疆備邊竟宁要塞謹關梁塞徯徑坏益也鍵

牡閉牝也管籥搏鍵器也固封疆謂使有司循其溝樹及其衆庶之守法也要塞邊城要害處也梁橋橫也徯徑禽

獸之道也今月令疆或為璽

飭喪紀辨衣裳審棺槨之薄

厚塋丘壟之大小高卑薄厚之度貴賤

之等級

此亦閉藏之具順時飭正之也辨衣裳謂襲斂尊卑所用也所用又有多少

疏

天氣至下降

正義曰若以易卦言之七月三陽在上

則天氣上騰三陰在下則地氣下降也今十月乃云天

氣上騰地氣下降者易含萬象言非一槩周流六虛事

無定體若以爻象言之則七月為天氣上騰地氣下降

若氣應言之則從五月地氣上騰至十月地氣六陰俱

升天氣六陽並謝天體在上陽歸於虛无故云上騰地

氣六陰用事地體在下陰氣下連於地故云地氣下降

各取其義不相妨也 坏城至徯徑 正義曰城郭當

須牢厚故言坏門閭備擬非常故云戒鍵閉或有破壞

故云脩管籥不可妄開故云審封疆理當險阻故云固

邊竟防擬盜賊故云備要塞理宜牢固故云宗關梁禁禦
姦非故云謹徭徑細小狹路故須塞皆隨事戒約故設文
不同也**注**坏益至爲壘 正義曰鍵牡閉牡者凡鑰器入
者謂之牡受者謂之牝若禽獸牝牡然管籥與鍵閉別文
則非鍵閉之物故云搏鍵器此物以鐵爲之似樂器之管
籥摺於鑰內以搏取其鍵也案檀弓**注**云管鍵也則管鍵
一物此爲別者熊氏云管是鍵之伴類仍非鍵也**注**稱管
鍵者以類言之若云鄰里然也管籥云搏鍵器則管籥一
物義或然也而何胤云鍵是門扇之後樹兩木穿上端爲
孔閉者謂將局關門以內孔中案漢書五行志每云牝飛
及牡亡謂失其鑰須須則牡也何胤云兩邊樹木非其義
也云固封疆謂使有司循其溝樹及其衆庶之守法者溝
樹謂掘溝塹而種樹木也令使衆庶可守之**注**衣裳至多
少 正義曰其衣裳襲斂多少及棺槨厚薄具在喪大記
丘壘小大案鄭**注**冢人云漢律列侯墳高四丈關內侯以
下各有等差又**注**檀弓云墳高四尺蓋周之士制外無文

是月也命工師效功陳祭器案度程毋或

作為淫巧以蕩上心必功致為上

霜降而百工休至此

物皆成也工師工官之長也效功錄見百工所作器物也主於祭器祭器尊也度謂制大小也程謂器所容也淫巧

謂奢偽怪好也蕩謂搖動生其奢淫

物勒工名以考其誠

勒刻也刻工姓

名於其器以察其信知其不功致

功有不當必行其罪以窮其

情

功不當者取材美而器不堅也

疏

命工至其情

正義曰於是之時冬閉無事百工造作器物恐為淫巧故

命工師之官師長也命此工官之長效實百工所造之物陳列祭器善惡案度程者謂於案此器舊來制度大小

及容受程限多少

無或作為淫巧者或有也勿得有作過制之巧以搖動在上生奢侈之心必功致為上者言作

器不須靡麗華侈必功力密致為上又每物之上刻勒所造工匠之名於後以考其誠信與不若其用材精美而器不堅固則功有不當必行其罪罰以窮其詐偽之情注主於至所容正義曰百工造作器物則諸器皆營今經直主於祭故云主於祭器祭器尊云度謂制大小程謂器所容者以經度程文別度是制度大小除制度之外唯有容受多少故以程為器所容也

是月也大飲烝

十月農功畢天子諸侯與其羣臣飲

酒於大學以正齒位謂之大飲別之於他其禮亡今天子以燕禮郡國以鄉飲酒禮代之燕謂有牲體為俎也黨正職曰國索鬼神而祭祀則以禮屬民而飲酒于序以正齒位亦謂此時也詩云十月滌場朋酒斯饗曰殺羔羊躋彼公堂稱彼兕觥受福無疆是頌大飲之詩

天子乃祈來年于天宗大

割祠于公社及門閭臘先祖五祀

此周禮所謂蜡祭也

天宗謂日月星辰也大割大殺羣牲割之也臘謂以田獵所得禽祭也五祀門戶中霤竈行也或言祈年或言大割

或言臘

互文

勞農以休息之

黨正屬民飲酒正齒位是也

天子乃

命將帥講武習射御角力

為仲冬將大閱簡習之亦因營室主武士

也凡田之禮唯狩最備

夏小正十一月王狩

疏

大飲蒸正義曰言於是月之時天子諸侯與羣臣大行

飲酒為饗禮以正齒位蒸升也升此牲體於俎之上故云大飲蒸注十月至之詩正義曰天子諸侯與其羣臣飲

酒於大學者案此大飲蒸是天子之禮詩豳風躋彼公堂序諸侯之事是諸侯之禮故云天子諸侯與羣臣也豳詩

云躋彼公堂毛傳云公堂學校也黨正以禮屬民飲酒于序故云此飲酒於大學也云以正齒位者約黨正文必約

黨正者以此是孟冬黨正云國索鬼神謂蜡祭也與此同月故鄭下注引黨正文亦謂此時也云蒸謂有牲體為俎

者案國語云王公立飫則有房蒸此旣大飲饗禮當用房蒸半體之俎若黨正飲酒雖饗而用銷蒸故宣十六年左傳云王享有體薦宴有折俎公當享卿當宴是也鄭又引黨正及詩者證大飲是十月正齒位飲羣臣之事云十月滌場者謂場功畢入滌埽其場朋酒斯饗者毛傳云兩樽曰朋鄭云饗謂饗禮而殺羔羊行禮之時升彼公之學校之堂舉彼兕觥之爵以罰失禮臣下慶君命受福無疆也天子至五祀 正義曰祈來年于天宗者謂祭日月星辰也大割祠于公社者謂大割牲以祀公社以上公配祭故云公社及門閭者非但祭社又祭門閭但先祭社後祭門閭故云及臘先祖五祀者臘獵也謂獵取禽獸以祭先祖五祀也此等之祭摠謂之蜡若細別言之天宗公社門閭謂之蜡其祭則皮弁素服葛帶榛杖其臘先祖五祀謂之息民之祭其服則黃衣黃冠鄭注郊特牲云息民與蜡異也案黨正云國索鬼神而祭祀則以禮屬民而飲酒于序以正齒位則飲酒在蜡祭之後此大飲在蜡祭之前者若

黨正屬民飲酒在蜡之後故下云勞農以休息之注黨正飲酒是也若天子諸侯羣臣大飲在蜡祭之前故以大飲叙在祈年之前然鄭爲大飲之下注引黨正飲酒者證其正齒位同在此月不謂大飲即黨正飲酒也而熊氏以爲大飲蒸在蜡之後非其義也凡蜡皆在建亥之月而皇氏以爲夏舛蜡各在巳之歲終若如此夏家季冬則計耦耕事也脩耒耜具田器不得方始勞農以休息皇氏之義非也

注此周至互之正義曰知此周禮所謂蜡者以郊特性蜡者索也索萬物而饗之案籥章云國祭蜡醵豳頌以息老物蜡而後息老此經亦先祭衆神乃後勞農休息文與籥章相當故經廣祭衆神是周禮籥章所謂蜡祭也而熊氏皇氏皆爲周禮六樂一變而致羽物以至六變而蜡祭此亦廣祭衆神故指彼一變二變而爲之蜡也然彼樂一變二變鄭自解爲蜡耳非周禮正文言蜡何得云周禮所謂蜡也云天宗謂日月星者以蜡祭唯公社不祭地故知祭天宗者不祭天若是祭天何須稱宗下季冬云天之神

是天之衆神有司中司命不稱宗明稱宗者謂日月星也
案異義六宗賈逵等以爲天宗三謂日月星地宗三謂泰
山河海鄭玄六宗以爲星也辰也司中也司命也風師也
雨師也不同意逵之義今此云天宗謂日月星者尚書六
宗文承肆類上帝之下凡郊天之時日月從祀故祭以日
月配日月在類上帝之中故六宗不得復有日月此不云
六宗而云天宗與彼別也蔡邕云日爲陽宗月爲陰宗北
辰爲星宗也云臘謂田獵所得禽祭者以欲臘祭之時暫
出田獵以取禽非仲冬大閱之獵也左傳云唯君用鮮則
天子諸侯祭用鮮獸皇氏云仲秋獵得禽獸以爲乾豆至
臘用之其義非也云五祀門戶中雷竈行者月令殷禮言
之若周則七祀云或言祈年或言大割或言臘互文者天
宗公社門閭先祖五祀等皆祈年大割臘祭之事故云互
也皇氏云天宗故云祈社是報功故云大割先祖已之親
故臘祭也

注黨正至是也 正義曰案黨正職國索鬼神
而祭祀則以禮屬民此亦祭衆神之後勞農休息文正相

當故云是此等休息是正齒位案雜記子貢觀蜡云一國之人皆若狂者案鄉飲酒初立賓行禮至禮終說屨升堂而燕行無筭爵然則初時正齒位後則皆狂蜡祭蔡邕云夏曰清祀殷曰嘉平周曰蜡秦曰臘案左傳云虞不臘矣是周亦有臘名也

注

營室至最備

正義曰春秋說云營

室主軍士之糧云凡田之禮唯狩最備者解此經孟冬云乃命將帥講武習射御言習是未正用也備擬仲冬教戰之事所須故言唯狩最備謂狩禮大也故仲冬教大閱禮儀是月也乃命水虞漁師收水泉池澤之

賦毋或敢侵削眾庶兆民以為天子取怨

于下其有若此者行罪無赦

因盛德在水收其稅

孟冬

行春令則凍閉不密地氣上泄

寅之氣乘之也

民多

流亡

象蟄蟲動

行夏令則國多暴風方冬不寒

蟄蟲復出

巳之氣乘之也立夏巽用事巽為風

行秋令則雪霜

不時

申之氣乘之也

小兵時起土地侵削

申陰氣尚微申宿直參伐

參伐

䟽

孟冬至流亡

正義曰凍閉不密地氣上泄地

為兵災也民多流亡人災也

國多至復出正義

曰國多暴風方冬不寒天災也蟄蟲復出地災也

至侵削正義曰雪霜不時天災也

小兵時起土地侵削人災也

案春秋說云參伐主斬刈示威行伐也

注申宿直參伐為兵正義曰

仲冬之月

日在斗昏東辟中旦軫中

仲冬者日月會於星紀而斗建子之辰也

其日壬癸其帝顓頊其神玄冥其蟲介其

音羽律中黃鍾其數六其味鹹其臭朽其

祀行祭先賢

黃鍾者律之始也九寸仲冬氣至則黃鍾之律應周語曰黃鍾所以宣養六氣

德九冰益壯地始圻鵠旦不鳴虎始交

皆記時候

也鵠旦求旦之鳥也交猶合也

天子居玄堂大廟乘玄路駕鐵

驪載玄旂衣黑衣服玄玉食黍與彘其器

闕以奄

玄堂大廟北堂當大室

飭死事

飭軍士戰必有死志

命有司

曰土事毋作慎毋發蓋毋發室屋及起大衆以固而閉地氣沮泄是謂發天地之房

諸蟄則死民必疾疫又隨以喪命之曰暢

月

而猶女也暢猶充也大陰用事尤重閉藏

疏

仲冬至軫中

正義曰案律曆志云仲冬之初日在斗十

二度故云日在斗也三統曆大雪日在斗十二度昏壁五度中去日八十四度旦角三度中冬至日在牛初度昏奎十度中去日八十二度旦亢七度中元嘉曆云大雪日在箕十度昏氐九度中旦軫八度中冬至日在斗十四度昏東壁八度中晝漏四十五刻旦角七度中

注

周語至九德

正義曰案元命包黃鍾者始黃注云始萌黃泉中律曆志云黃者中之色君之服鍾種也又云黃五色莫盛焉故陽氣始種於泉孳萌萬物爲六氣元也周語曰黃鍾所以宣養六氣九德者案彼注十一月建子陽氣在中六氣陰陽風雨晦明九德金木水火土穀正德利用厚生作事宜徧黃鍾象氣伏地物始萌所以徧養六氣九功之德此養之者若施於人六情正德天德利用地德厚生人德六府者

金木水火土穀也 飭死事 正義曰事異前也因殺氣之盛以飭軍士使戰者必有死志故曰飭死事也 命有至暢月 正義曰此不云是月者揔是冬月閉藏之事從十月爲漸非唯仲冬一月之事故不言是月自命奄尹至淵澤井泉論命奄尹之官謹慎房室命酒正之職以爲酒醴命掌祠之官祈祀四海井泉事雖各別同是命告羣官事異於上故揔言是月自農有不收藏積聚至罪之不赦論收斂尤急之時務須積聚之事事異於上故云是月自日短至至取竹箭論日至之時須有所爲之事事異於收斂積聚故云是月自可以罷官之無事至閉藏論去間務助時寧靜亦事異於前故言是月云土事毋作慎毋發蓋者於此之時土地之事毋得興作又須謹慎毋得開發掩蓋之物則孟冬云謹蓋藏是也非唯仲冬一月之事故不言是月良爲此也爲陰氣凝固陽須閉藏若起土功開蓋物發室屋起大衆開泄陽氣故下云諸蟄則死人則疾疫也以固而閉者而汝也命此有司云於此之時以堅固汝

所塞之事勿令開動地氣沮泄是謂發天地之房者約束有司若其不固汝所閉之事令地沮泄謂泄漏地之陽氣是發徹天地之房房是人次舍之處擁蔽於此之時天地亦擁蔽萬物不使宜露與房舍相似令地氣泄漏是開發天地之房也如此則諸蟄則死人必疾疫非但蟄死人疾又隨以喪者國有大喪隨逐其後命之曰暢月者告有司云所以湏閉藏以其命此月曰暢月暢充也言名此月為充實之月當使萬物充實不發動故也皇氏云又隨以喪者謂逃亡人為疾疫皆逃亡故云又隨以喪

是月也命奄尹申宮令審門閭謹

房室必重閉

奄尹主領奄豎之官也於周則為內宰掌治王之內政宮令譏出入及開閉之屬重

開外內閉也

省婦事毋得淫雖有貴戚近習毋有

不禁

省婦事所以靜陰類也淫謂女功奢僞怪好物也貴戚謂姑姊妹之屬近習天子所親幸者

乃命

大酋秣稻必齊麴蘖必時湛熾必絜水泉

必香陶器必良火齊必得兼用六物大酋

監之母有羞貸酒熟曰酋大酋者酒官之長也於周則為酒人秣稻必齊謂熟成也湛漬也熾

炊也火齊腥熟之調也物猶事也羞貸謂失誤有善有惡也古者穫稻而漬米麴至春而為酒詩云十月穫稻為此春酒

以介眉壽天子命有司祈祀四海大川名源淵澤

井泉順其德盛之時祭之也今月令淵為深是月也農有收藏積

聚者馬牛畜獸有放佚者取之不詰此收斂尤急之

時人有取者公罪所以警懼其王也主居明山林藪澤

堂禮曰孟冬之月命農畢積聚繫收牛馬

有能取蔬食田獵禽獸者野虞教道之其

有相侵奪者罪之不赦

務收斂野物也大澤曰藪草木之實為蔬食

是月也日短至陰陽爭諸生蕩

爭者陰方盛陽欲起也蕩

謂物動將萌芽也

君子齊戒處必掩身身欲寧去聲

色禁者欲安形性事欲靜以待陰陽之所

定

寧安也聲謂樂也易及樂春秋說去冬至人主與羣臣從八能之士作樂五日此言去聲色又相反

芸

始生荔挺出蚯蚓結麋角解水泉動

又記時候

也芸香草也荔挺馬竈也水泉動潤上行

日短至則伐木取竹箭

此其

堅成之極時是月也可以罷官之無事去器之無

用者謂先時權所建作者也天地塗闕廷門閭築

圉固此所以助天地之閉藏也順時仲冬

行夏令則其國乃旱午之氣氛霧冥冥霜露

散相雷乃發聲震氣動也行秋令則天時雨汁

瓜瓠不成酉之氣乘之也酉宿直昂畢畢好雨雨汁國

有大兵兵亦軍行春令則蝗蟲為敗當蟄者出

也水泉咸竭大火民多疥癘疥癘之病

也水泉咸竭為旱民多疥癘孚甲象也

命奄至不禁 正義曰命奄尹者謂正也謂命奄官正長
申重之政令常察門閭之事謹慎房室之處必重閉者謂
門閭房室必外內重閉遠者謂之門閭近者謂之房室皆
有外內門戶必重疊閉之此月陰氣既靜故減省婦人之
事順陰類也婦人須事者務所質素無得過爲淫巧其所
禁婦人無限貴戚姑姊妹之徒及王親近愛習嬖寵之類
無有不禁言禁之無得淫巧也 **注**於周至之屬 正義曰
此奄尹奄官之尹於周則內宰俱是主領奄官身非奄人
故云於周爲內宰內宰非奄也云掌治王之內政者皆解
經中申官令也官令則內政也云譏出入及開閉之屬者
解經審門閭謹房室也 乃命至差貸 正義曰大酋者
酒官之長於此之時始爲春酒先須治擇秫稻故云秫稻
必齊齊得成熟又須以時料理麴蘖故云必時湛熾必絜
者湛漬也熾炊也謂炊漬米麴之時必須清絜水泉必香
陶器必良者謂所用水泉必須香美所盛陶器必須良善
火齊必得者謂炊米和酒之時用火齊生孰必得中也兼

用六物者秣稻一麴蘖二湛熾三水泉四陶器五火齊六也物事也謂作酒之人用此六事作酒大酋監督之無使有參差貸變使酒誤其善惡注酒孰至眉壽正義曰酒孰曰酋然則酋者酒孰之名也云於周則爲酒人者周禮酒正引此大酋爲酒正也此注大酋爲酒人不同者以酒正掌作酒法或及酒材之事故引大酋證之其實酒正掌酒之政令及酒出入之事不親監作此大酋監作故爲酒人也以酒人監作酒故也云古者穫稻而漬米麴至春而爲酒者證此十一月命大酋作酒之事以十月穫稻於此月漬米麴至春而爲酒者謂春成也非春始釀故毛詩傳云春酒凍醪又注酒正云清酒今中山冬釀接夏而成是於仲冬季冬以釀也引詩者豳風七月之詩以證穫稻作酒之事注明堂至牛馬正義曰引之者證若不積聚收牛馬他人取之不詰俗本作牧定本作收注大澤至蔬食正義曰案鄭注周禮水鍾曰澤水希曰藪今言大澤曰藪者以有水之處謂之澤旁無水之處謂之藪草木之實

爲蔬食者爾雅云蔬不孰爲饅蔬謂菜蔬以其麤蔬經言
蔬食故爲草木實也山林蔬食榛栗之屬藪澤蔬食菱芡
之屬注易及至相違 正義曰此易乾鑿度文及樂緯春
秋緯其語同也其八能之士以具在仲夏疏文又相違者
以夏已違今此復違故言又也 芸始至泉動 正義曰
芸始生荔挺出者皇氏云以其俱香草故應陽氣而出而
蚯蚓結者蔡云結猶屈也蚯蚓在穴屈首下嚮陽氣氣動
則宛而上首故其結而屈也麋角解者說者多家皆無明
據熊氏云鹿是山獸夏至得陰氣而解角麋是澤獸故冬
至得陽氣而解角今以麋爲陰獸情淫而遊澤冬至陰方
退故解角從陰退之象鹿是陽獸情淫而遊山夏至得陰
而解角從陽退之象既無明據故略論焉若節氣早則麋
角十一月解故夏小正云十一月麋角墮墮是也若節氣
晚則十二月麋角解故小正云十二月墮麋角 其國至
發聲 正義曰其國乃旱氛霧冥冥雷乃發聲皆天災也
天時至大兵 正義曰天時雨汁天災也瓜瓠不成地災

也國有大兵人災也

注虛危內有瓜瓠

正義曰案天文

志瓜瓠四星在危東

蟲蝗至疥癘

正義曰蟲蝗為敗

水泉咸竭地災也

季冬之月日在婺女昏婁中

民多疥癘人災也

旦氏中

季冬者日月會於玄枵而斗建丑之辰也

其日壬癸其帝顓

頊其神玄冥其蟲介其音羽律中大呂其

數六其味鹹其臭朽其祀行祭先賢

大呂者蕤

賓之所生也三分益一律長八寸二百四十三分寸之百四季冬氣至則大呂之律應周語曰大呂助陽宣物

鴈

北鄉鵲始巢雉雊雞乳

皆記時候也雊雉鳴也詩云雉之朝雊尚求其

雌

天子居玄堂右个乘玄路駕鐵驪載玄

旂衣黑衣服玄玉食黍與彘其器閔以奄

玄堂右个北堂東徧

命有司大難旁磔出土牛以送寒

氣

此難難陰氣也難陰始於此者陰氣右行此月之中日歷虛危虛危有墳墓四司之氣為厲鬼將隨強陰

出害人也旁磔於四方之門磔攘也出猶作也作土牛者丑為牛牛可牽止也送猶畢也征鳥厲疾

殺氣當極也征鳥題肩也齊人謂之擊征或名曰鷹仲春化為鳩

乃畢山川之祀

及帝之大臣天之神祇

四時之功成於冬孟月祭其宗至此可以祭其

佐也帝之大臣句芒之屬天之神祇司中司命風師雨師

是月也命漁師始漁

天子親往乃嘗魚先薦寢廟

天子必親往視漁明漁非常事

重之也此

時魚絜美

冰方盛水澤腹堅命取冰

腹厚也此月日在北

陸冰堅厚之時也北陸

謂虛也今月令無堅

冰以入令告民出五種

冰既入而令田官告民出五

種明大寒氣過農事將起也

命農計耦耕事脩耒

耜具田器

耜者耒之金也廣五寸田器鎡鎡之屬

命樂師大合吹

而罷

歲將終與族人大飲作樂於大寢以綴恩也言罷者此用禮樂於族人最盛後年若時乃復然也凡

用樂必有禮用禮則有不用樂者王居明堂

禮季冬命國為酒以合三族君子說小人樂

乃命四

監收秩薪柴以共郊廟及百祀之薪燎

四監

主山林川澤之官也大者可析謂之薪小者合束謂之柴薪施炊爨柴以給燎春秋傳曰其父析薪今月令無及百

祀之

疏

季冬至氏中

正義曰案律曆志季冬初日在

薪燎

婺女八度三統曆小寒日在婺女八度昏婁十

一度中去日八十四度旦氏十二度中大寒日在危初度

昏昴二度中去日八十度旦心五度中元嘉曆日在牛三

度昏奎十五度中晝漏四十五刻六分旦亢九度中大寒

日在女十度昏胃四度中晝漏四十六刻七分旦氏十三

度中 大呂至宣物 正義曰案蕤賓長六寸八十一分

寸之二十六上生大呂三分益一三寸益一寸六寸益二寸

故爲八寸其八十一分寸之二十六各三分之則爲七十

八分三分益一更益一箇二十六則爲一百四故云律長

八寸二百四十三分寸之一百四也引周語大呂助陽宣

物者證大呂之義也案律曆志云大呂呂旅也言陰大旅

助黃鐘宣氣而聚物鴈比至雞乳 正義曰鴈比鄉有早

有晚早者則此月比鄉晚者二月乃比鄉故易說云二月

驚蟄候鴈比鄉鵲始巢者此據晚者若早者十一月始巢

故詩緯推度災云復之日鵲始巢是也雉雊雞乳者易通

卦驗云雉雛雞乳在立春節與此同以立春在此月也通
卦驗又云小寒虎始交豺祭獸此季冬不言者文不具也
若節氣晚則季冬虎交若節氣早則在仲冬故仲冬虎始
交案月令九月豺祭獸通卦驗季冬豺祭獸者熊氏云再
祭也一曰易說誤也無此文 命有至寒氣 正義曰此
月之時命有司之官大為難祭令難去陰氣言大者以季
春唯國家之難仲秋唯天子之難此則下及庶人故云大
難旁磔者旁謂四方之門皆披磔其牲以禳除陰氣出土
牛以送寒氣者出猶作也此時強陰既盛年歲已終陰若
不去凶邪恐來歲更為人害其時月建丑又土能刻水持
水之陰氣故特作土牛以畢送寒氣也 **注**此月至畢也
正義曰此月之中者中猶內也請此月之內也皇氏以為
此月中氣非也云曰歷虛危危有墳墓四司之氣者熊氏
引石氏星經云司命二星在虛北司祿二星在司命北司
危二星在司祿北司中二星在司危北史遷云四司鬼官
之長文云墳四星在危東南是危虛有墳墓四司之氣也

皇氏以爲北方蓋藏故爲墳墓北方歲終以司主四時故云四司其義皆非也皇氏又云以季春國難下及於民以比季冬大難爲不及民也然皇氏解禮違鄭解義也今鄭注論語鄉人難云十二月命方相氏索室中驅疫鬼鄭旣分明云十二月鄉人難而皇氏解季冬難云不及鄉人不知何意如此云送猶畢者此時寒實未畢而言畢者但意欲全畢耳 征鳥厲疾 正義曰亦命有司辭也征鳥謂鷹隼之屬也謂爲征鳥如征厲嚴猛疾捷速也時殺氣盛極故鷹隼之屬取鳥捷疾嚴猛也蔡云大陰殺氣將盡故猛疾與時競也 注殺氣至爲鳩 正義曰案釋鳥云鷹鵄鳩其氏云鵄鵄鵄鵄月令云鷹化爲鳩左傳曰爽鳩氏司寇也郭景純云鵄當爲鵄即鵄鳩也此征鳥者則鵄鳩之謂也 注四時至兩師 正義曰案上孟冬祈來年于天宗大割祠於公社臘先祖五祀是謂蜡祭則百神皆祭則一變而致羽物山林之祇再變而致鱗物川澤之祇是蜡祭並祭山川也是嶽瀆及衆山川也孟冬不見者文不具孟冬

祭嶽瀆因及衆山川至此又更祭衆山川山川少於嶽瀆是孟月祭其宗此月祭其佐前五帝是祭先嗇神農并祭五帝但孟冬其文不具則五帝爲宗大臣句芒等爲佐是孟月祭其宗此月祭其佐也孟冬祭司中等是孟月祭宗此月祭佐則天神人鬼山川等皆有宗有佐也故鄭先云孟月祭宗至此祭佐後解帝之大臣天神地祇若然山川卑於帝之大臣在先言故以爲尊卑之序無義例也熊氏云孟冬祭宗至此祭佐唯天恐非也天子至絜美正義曰案仲秋以犬嘗麻季秋以犬嘗稻皆不云天子親往今此天子親往特云嘗魚故云明漁非常事重之也以四時薦新是其常事魚則非常祭之物故云重之也冰方至取冰正義曰言此月冰旣方盛於時極寒冰實至盛而云方盛者此謂月半以前小寒之節冰猶未盛故云方也至於月半以後大寒乃盛水澤腹堅者腹厚也謂水濕潤澤厚實堅固冰旣堅固故命取冰腹厚至謂虛正義曰腹者形體腹長故爲厚也云此月日在北陸者當此月

冰以至五種

正義曰冰

來故令此典農之官出五種之物以擬種之

耜者至之

屬

正義曰耒耜以木爲之長六尺六寸底長尺有一寸

中央直者三尺有三寸句者二尺有二寸底謂耒下嚮前

曲接耜者頭而著耜金鐵爲之故云耜者耒之金云田

器鎡之屬者何胤云鎡今之鋤類孟子云齊人曰雖有

磁基不如待時云之屬者以田器非一也 命樂師大合

正義曰於此歲終必族人燕飲樂師之官大合

諸樂管籥之吹以綴恩慈之心而遂永
罪至來年季冬乃

言樂節蓄之也。以紼恩惠之人而遠佞。罷至來年季冬。乃更爲之。注歲時至人樂。正義曰。與疾人共次。皆以王居。

更爲之○炭○非至人樂○正○義○仁○與○功○人○大○飮○者○以○王○居○

助樂於大宴首以其命樂而合次故曰年樂也之宴川各

作樂於大寢者以其命樂師合吹故知作樂也大寢則路

寢也與宗人圖事之處旣飲族人故知於大寢云以綴恩

者綴謂連綴恩謂恩親大傳云繫之以姓而弗別綴之以

食而弗殊云罷者此用禮樂於族人最盛後年若時乃復然者謂後年季冬乃復如此作樂以一年頓傳故云罷云凡用樂必有禮而用禮則有不用樂者以太合吹必當有禮與族人燕飲今唯云命樂師作樂故云用樂必有禮而食嘗無樂故云禮有不用樂也引明堂禮以合三族者三族父子及身則小記云親親以三為五以五為九是也君子說謂卿大夫士小人樂謂凡庶也注四監至薪燎正義曰以薪柴出於山林川澤故四監為山林川澤之官也薪施炊爨柴以給燎者以薪柴並文故知各有所用上云薪柴下云薪燎故知柴以給燎引春秋傳曰其父析薪者此昭七年左傳辭也其父析薪其子弗克負荷引之者證薪是麤大可析之物云今月令無及百祀之薪燎者謂無此句之

是月也日窮于次月窮于紀星回于

天數將幾終

言日月星辰運行于此月皆周匝於故處也次舍也紀會也

歲且

更始專而農民母有所使

而猶女也言專一女農民之心令之豫有

志於耕稼之事不可僇役
僇役之則志散失業也

天子乃與公卿大夫共

飭國典論時令以待來歲之宜

飭國典者和六典之法也

周禮以正月爲之建寅而縣之
今用此月則所因於夏殷也

乃命大史次諸侯

之列賦之犧牲以共皇天上帝社稷之饗

此所與諸侯共者也列國有大小也賦
之犧牲大者出多小者出少饗獻也

乃命同姓之

邦共寢廟之芻豢

此所以與同姓共
也芻豢猶犧牲

命宰歷

卿大夫至于庶民土田之數而賦犧牲以

共山林名川之祀

此所與卿大夫庶民共者也歷猶次也卿大夫采地亦有大小

其非采地以其邑之民多少賦之

凡在天下九州之民者無不

咸獻其力以共皇天上帝社稷寢廟山林

名川之祀

民非神之福不生雖有其邦國采地此賦要由民出

季冬行秋令

則白露蚤降介蟲為妖

戌之氣乘之也九月初尚有白露月中乃為霜

丑為鱉蟹

四鄙入保

畏兵辟寒象

行春令則胎夭多傷

辰之氣乘之也天少長也此月物甫萌牙季春乃句者畢出萌者盡達胎夭多傷者生氣早至不充其性

國

多固疾

生不充性有久疾也

命之曰逆

衆害莫大於此

行夏令

則水潦敗國時雪不降冰凍消釋

未之氣乘之也季夏

大雨

䟽

日窮至幾終

正義曰日窮于次者謂去年季

時行

冬日次於立枵從此以來每月移次他辰至此

月窮盡還次立枵故云日窮于次月窮于紀者紀猶會也去年季冬月與日相會於立枵自此以來月與日相會在於他辰至此月窮盡還復會於立枵故云月窮于紀星迴于天者謂二十八宿隨天而行每日雖周天一帀早晚不同至於此月復其故處與去年季冬早晚相似故云星迴于天數將幾終者幾近也以去年季冬至今年季冬三百五十四日未滿一百六十五日未得正終唯近於終故云數將幾終歲且至所使正義曰此脩月令之人為國家戒令之法此月既終歲且更始而女也言在上專一女農之事無得興起造作有所使役也此是制禮者摠為約戒之辭此月令之內不云乃命某官之屬者皆是禮家摠禁也他皆倣此

注

飭國至夏

正義曰經云共飭

國典調和飭政之故云和六典之法六典者則治典教典
禮典政典刑典事典是也云周禮以正月爲之建寅而縣
之者案大宰職云正月之吉始和布治小宰云正歲而觀
治象之灋是也云今用此月則所因於夏殷者不用周法
故知因於夏殷以王者損益不出三代故也 乃命至之
享 正義曰此至之享皆命大史也列次也來歲方祭祀
須犧牲犧牲出諸侯之國國有大小故命大史書列之以
共賦也諸侯同王南面專王之土故命之出牲以與王共
事天地也既漫言諸侯則異姓同姓俱然也賦之犧牲者
賦稅出也次之隨國大小而出之也以共皇天者賦牲所
共也皇天上帝上帝者靈威仰五帝也社稷者王之
社稷也諸侯乃自有社稷而始封亦割王社土與之故
賦牲共王社稷也享獻也出牲以共獻於上帝諸神也
乃命至芻豢 正義曰芻豢猶犧牲也皇天社稷與天下
共之故通賦天下國家也寢廟先王與同姓國共之故別
又命同姓國共之也言芻乃是牛羊而又云豢則是犬豕

也天地不用犬豕社稷大牢乃有豕而不用犬故沒其芻豢而徒云天地犧牲也宗廟備六牲故云芻豢也 命宰至之祀 正義曰宰小宰也歷亦次也卿大夫謂畿內有采地者歲終又小宰列次畿內之地大小并至於庶民受田准土田多少之數賦之犧牲以共山林名川之祀不云士者上舉卿大夫下舉庶民則士在其中省文耳注云此所與卿大夫庶人共之則各賦稅之卿大夫出其采地賦稅無采地出其邑之賦稅庶人無邑出其賦稅以與邑宰邑宰以共上是庶人亦出賦也故下云凡在天下九州之人無不咸獻其力是也 **注**民非至民出 正義曰雖有其邦國采地此賦要由民出者有邦國諸侯有采地謂卿大夫賦稅所來皆由民出必由民者以經中云天下九州之民不云諸侯卿大夫獨云民故鄭云此也 白露至入保 正義曰白露早降天災介蟲為妖地災四鄙入保人災 **注**丑為鼈蟹 正義曰案陰陽式法丑魚鼈蟹季冬建丑而行秋令丑氣失故云介蟲為妖 胎天至曰逆 正義曰

胎夭多傷國多固疾命之曰逆皆人災也。注辰之至其性正義曰云此月物甫萌牙季春乃句者畢出萌者盡達者甫始也此十二月萌者始牙至三月乃出達地上也云胎夭多傷者生氣蚤至不充其性者三月之氣在十二月內至故胎萌而暴長出旣性不得充滿所以多傷也。注衆害莫大於此正義曰以胎夭旣傷國多固疾衆種之害莫大於此故經云命之曰逆命猶名也言名此曰特逆之事謂惡之甚也。水潦至消釋正義曰水潦敗國時雪不降天災也冰凍消釋地災也。

禮記正義卷第二十五

行別本皆作禮記正義



禮記注疏卷第二十六

國子祭酒上護軍曲阜縣開國子臣孔穎達等奉

勅撰

曾子問第七

正義曰案鄭目錄云名為曾子問者以其記所問多明於禮故著姓名以顯之曾子孔子弟子曾參此於別錄屬喪

服

曾子問曰君薨而世子生如之何孔子曰卿大夫士從攝主北面於西階南於

朝夕哭位也攝主
上卿代君聽國政

大祝裨冕執束帛升自西

階盡等不升堂命母哭

將有事宜清靜也裨冕者接神則祭服也諸侯

之卿大夫所服裨冕絺冕也玄冕也士服爵弁服大祝裨冕則大夫

祝聲三告曰某

之子生敢告

聲噫歆警神也某夫人之氏也

升奠幣于殯東

几上哭降

几筵於殯東明繼體也

衆主人卿大夫士

房中皆哭不踊

衆主人君之親也房中婦人

盡一哀反位

遂朝奠

反朝夕哭位

小宰升舉幣

所主也舉而下埋之階間

疏

曾子至舉幣正義曰此一節論君薨而世子生告殯之事各隨文解之君薨而世子生者案聘禮云子即位○

哭公羊云君存稱世子君薨稱子某此既君薨仍稱世子者以其別於庶子又用世子之禮告殯故雖君薨猶稱世子異於春秋之例案左傳相六年子同生賈杜注云不稱大子者書始生此亦始生而稱世子者彼爲父在始生未命故直云子此是君薨初生則舉以世子之禮故云世子也熊氏云下稱奠幣于殯東則此告世子生謂既殯以後若未殯之前則世子生亦不告凡天子諸侯稱世子春秋經稱王世子曹世子是也卿大夫以下謂之適子喪服云大夫之適子是也若在喪諸侯之子亦稱適子檀弓云君之適長殤是也天子諸侯亦謂之大子則王制云王太子及檀弓云大子申生是也冢子則上下通名故內則云其非冢子則皆降一等注則言天子以下至庶人是其通名也其春秋三傳世子之例煩而不要今所不用也孔子至此面此論卿大夫士等皆衣裘服也攝主上卿代國政者卿大夫士等皆衣裘服北面文不言者以下文云大祝裨冕明卿大夫士等不裨冕也於西階南

注

變於朝

夕哭位也

正義曰案喪大記云君之喪既正尸卿大夫

父兄子姓立于東方又士喪禮朝夕哭丈夫即位于門外
西面北上外兄弟在其南南上賓繼之北上若其門內位
主人堂下直東序西面兄弟皆即位如外位卿大夫在主
人之南是朝夕內外哭位皆在東方也今乃從攝主北面
於西階南故云變於朝夕哭位也必於西階南者以將告
殯近殯位故也若君喪大斂喪大記云卿大夫即位于堂
廉楹西北面者彼斂故升堂非朝夕哭位此爲告世子生
故在堂下 大祝至母哭 大祝以大夫爲之祝主接神
故服裨冕裨冕祭服也以其將告神故執束帛執持也束
帛十端也端則二丈鬼神質故用偶數也鬼神以丈八尺
爲端鬼神之道陰陽不測故用陰陽之數求之一丈象陽
八尺法陰十端六玄四纁五兩三玄二纁纁是地色玄是
天色也欲往告殯故升自西階若於堂下告則大遠堂上
告則大近殯故升階盡等級即不升堂將有告事宜靜故
命母哭

注

裨冕至大夫

正義曰卿大夫所服裨冕絺冕

也案觀禮侯氏裨冕鄭注云裨冕者衣裨衣而冠冕也裨之爲言埤也天子六服大裘爲上其餘爲裨以事尊卑服之而諸侯亦服焉又注云衮衣者裨之上也則裨唯據衣也言服裨衣而著冕故云裨冕言裨者取其績繡云諸侯之卿大夫所服裨冕絺冕也玄冕也者此言五等諸侯孤卿大夫唯絺冕而下以上諸侯薨兼五等故揔解其臣服此卿兼公孤卿也若孤卿則絺冕若三命再命卿大夫服玄冕故周禮司服云孤自絺冕而下卿大夫自玄冕而下又大宗伯云再命受服鄭注云受玄冕之服列國之大夫於子男爲卿卿大夫自玄冕而下如孤之服也是孤則絺冕卿與大夫皆玄冕周禮謂三孤六卿爲九卿揔云謂卿四命是卿名通於孤也云士服爵弁服者以天子大祝是大夫諸侯則無文若是士則爵弁今經云大祝裨冕故云則大夫祝聲至敢告聲謂噫歆之聲三所出警神也言若夫人某氏之子生以告殯之辭也

注

聲噫歆警神也

正義曰直云祝聲不知作何聲案論語云顏淵死子曰

噫天喪予檀弓云公肩假曰噫是古人發聲多云噫故知此聲亦謂噫也凡祭祀神之所享謂之歆今作聲欲令神歆享故云歆警神也升奠幣于殯東凡上哭降者謂告殯竟執束帛者升堂奠置所執之幣于殯東凡筵上畢遂哭哭竟而降階也注凡筵至體也正義曰案阮謏禮圖云凡長五尺高尺二寸廣二尺皇氏云周禮天子下室喪奠有素几不云殯宮有八而諸侯雖無文當與天子同而大夫士葬前下室並無八降於人君也並葬後殯宮皆有八人君未葬前而於下室有素几其殯宮無八今世子生既告權移下室之几於殯東告於繼體異常日庾氏云未虞施几筵常於下室然殯宮八筵為朝夕之奠常在不去今更特設八筵於殯宮東者特異其事以為世子之生故鄭云几筵於殯東明繼體也今案既夕禮燕養饋羞如他日則下室所供之物如平常皆用吉物即今之告靈不得有素几又司几筵云凡喪事右素几注云喪事謂凡奠也又云凶事仍几注云凶事謂凡奠凡朝夕相因喪禮略以

此推之即素几是殯宮朝夕設奠之几不在下室而庾皇等以為素几設於下室未審何以知之其義非也熊氏以為天子諸侯在殯宮則有几筵大夫士大斂有席虞始有凡然殯宮几筵為朝夕之奠常在不去今更特設几於殯東當明世子是繼體之貴故於常几筵之外別特設之考三家之說熊以為是皇庾以為非

注眾主至婦人

正義

曰知者案喪大記云君將大斂父兄堂下北面父兄即君之親又云外宗房中南面故云房中婦人

注

反朝夕哭位

正義曰案士喪禮每日之旦於朝夕哭位先哭而後行朝奠朝奠了又哭今因西階前哭畢反此朝夕哭位於位不更哭即行朝奠禮謂一時兼哭兩事故云遂朝奠案士喪禮尋常朝奠皆先哭後奠皇氏云尋常先奠後哭此謂告世子生故先哭後奠其義非也

注

所主至階間

正義

曰所以小宰舉幣幣是小宰所主故云所主也故周禮小宰職云凡祭祀贊王幣爵之事喪荒受其舍禭幣玉之事是也必知埋之階間者下文云師行主命反必告設奠卒

斂幣玉藏諸兩階之間故知此幣亦埋之階間也三日衆主人卿大夫士

如初位北面三日負子曰也初告生時大宰大宗大祝皆

裨冕少師奉子以衰祝先子從宰宗人

從入門哭者止宰宗人詔贊君事者子升自西階殯

前北面祝立于殯東南隅祝聲三曰某

之子某從執事敢見子拜稽顙哭奉子者拜

哭祝宰宗人衆主人卿大夫士哭踊三

者三降東反位皆袒子踊房中亦踊三

者三龍衮衰杖

踊襲衰杖成子禮也

奠出

亦謂朝奠

大宰命

祝史以名徧告于五祀山川

因負子名之喪於禮略也

疏

三日至山川正義曰此一節論世子生已三日名之以名見於殯之禮各依文解之三日之朝自衆

主人以下悉到西階下列位如初日子生之儀也以子自爲主故不云從攝主也

注

三日至生時

正義曰案內則

云國君世子生告于君三日士負之此亦生則告君三日負之但告時直負之而已子未見君至三月爲名之時則始見之也今旣在喪禮略於負子之時則見也此不用束帛者初告生已用今旣禮殺故不用也云初告生時者以經云如初恐初是朝夕哭位故以初爲告生時也必知告生時者以告生時北面於西階南此亦云北面故知是告生時也

大宰是教令之官大宰是主宗廟之官初不裨冕今得裨冕者以爲奉子接

神故服祭服此大宰大宗等亦從子升堂故下文云祝宰
宗人降東反位既言降明其時當在堂此經不云升堂者
文不具耳少師奉子以衰者少師主養子之官又奉子
故與子皆著衰也皇氏及王肅云謂以衰衣而奉之崔氏
云諸侯五日而殯殯而成服此三日而衰者喪已在殯異於未
殯也祝先子從者祝主接神故先進也少師奉子次從
祝也宰宗人從者大宰大宗爲詔告贊君事故次從在
後也入門哭者止者入門是入殯宮門也衆主人及諸
臣並已先列位而哭今祝宰宗三人將子入門見故命門
內在位者止哭也前告是初生日哀甚故祝升階乃命止
哭今三日哀已微殺故子入門而哭則止也注宰宗至事
者正義曰上云大宰大宗此直云宰宗人者皇氏云宰
則大宰宗人則大宗也此祝先子從者同吉祭之禮故特
牲少牢皆祝前主人後若凶祭則主人前祝在主人後士
虞禮是也今此亦凶祭而祝在先者以其告神故也子
升至顙哭子升自西階者謂世子不忍從先君之階升

故由西階升於時大宰大宗及祝亦升不言從者以子爲主故略而不言也殯前北面者殯以東爲前謂當殯之東稍南北面也祝立于殯東南隅者祝在子之西而北面當殯之東南故云殯東南隅也其宰及宗人皇氏云以次立於子之東皆北面若其須詔相之時或就子前而西面也祝聲三者亦謂警神也前告生哀甚故盡階不升堂此見子須近殯故進立於殯東南隅旣警神之後祝乃告曰夫人某氏之子某從執事宰宗人等敢見告訖奉子之人拜而稽顙乃哭不踊者未即位故也皇氏云於時未立子名不得云某氏之子某從執事下有某字者誤也今案定本及諸本皆有某字子升堂之時大宰即位立名告殯云某之子某祝宰至衰杖祝宰宗人卿大夫士哭踊三者三此等以子稽顙哭故亦祝宰宗人在堂上北面哭衆主人卿大夫士俱在西階下北面哭爲踊每踊三度爲一節如此者三故云三者三階東反位者堂上皆降反東在下者皆東反朝夕哭位降者謂降自西階也皆袒者以初

堂上堂下之哭非正位故不袒今反朝夕哭位故皆袒
踊房中亦踊者以上文子不踊房中亦不踊至此乃踊故
云子踊房中亦踊明祝宰宗人衆主人及卿大夫士反位
亦皆踊也當子踊之時亦袒也故下注云踊襲衰杖成子
禮也既云襲明初時袒也皇氏云子踊不袒若然子初不
袒何得後有襲乎皇氏說非也 **注**亦謂朝奠 正義曰
恐是見子故爲奠祭故云亦謂朝奠以告生之時遂朝奠
故云亦謂朝奠知非特奠者在殯無特告奠之法故也
注因負至略也 正義曰案內則及左傳桓六年皆三月
乃名之今此因負子三日即名之以喪事促遽於禮簡略
不暇待三月也上見殯之時既以名告故云某之子某鄭
於此乃解名者以經有名文而遂解之非謂告山川之時
始作名也若依皇氏以見殯 曾子問曰如已葬
後乃作名故鄭於此解之

而世子生則如之何孔子曰大宰大宗

從大祝而告于禩

告生也

三月乃名于禩以

名徧告及社稷宗廟山川

疏

曾子至山川正義曰此一節

因前論問君未葬而世子生今更問已葬後世子生之禮大宰大宗從大祝而告于禩者禩父殯宮之主也既葬訖殯無尸柩唯有主在故告於主漸神事之故也同廟主之名故曰禩也然直云三人告禩不云攝主者葬時攝主已弁經葛以交神明葬竟又服受服喪之大事便畢攝主亦無復有此事故子生則攝主不復與羣臣列位西階下故自還依大宰之禮與大宰大宗從大祝禩冕而告殯宮中主也不云禩冕者未葬尚禩冕葬後不言自顯也不云東帛者凡告必制幣從之可知也不言盡階不升者三人例是升者非不升也不言某之子生敢告者亦自可知也三月乃名于禩者葬後神事之故依平常之禮三日不見也三月乃見因見乃名故云乃名于禩也從見之人與告

生不異故不重言也雖三日不見其成服衰經自依常禮也
以名徧告及社稷宗廟山川者名於禰既畢宰亦命祝史徧告也不言宰命祝史從可知也又前不云社稷宗廟此不云五祀相互明也王肅云前三日名之云未葬當稱子某故三日因名之也此經既葬稱子不稱名故三月乃名也鄭云稱世子生喪在殯告五祀山川耳五祀殯宮之五祀山川國鎮之重不可不告故越社稷告之既葬而世子生三月而名葬後三月於禮已祔廟故告可及廟廟與社稷相連不得不告社稷
孔子曰諸侯適天子必告于

祖奠于禰

皆奠幣以告之互文也

冕而出視朝

聽國事也諸侯

朝天子必裨冕為將廟受也裨冕者公衮侯伯鷩子男毳

命祝史告于社稷

宗廟山川

臨行又徧告宗廟孝敬之心也

乃命國家五官

而后行

五官五大夫典事者命者勅之以其職

道而出

祖道也聘禮曰出祖釋軼祭酒

也

告者五日而徧過是非禮也

既告不敢久留凡

告用牲幣反亦如之

牲當為制字之誤也制幣一丈八尺

諸侯

相見必告于禰

道近或可以不親告祖

朝服而出視

朝

朝服為事故也

命祝史告于五廟所過山川

山川所不過則不告貶於適天子也

亦命國家五官道而出反

必親告于祖禰乃命祝史告至于前所

告者而后聽朝而入

反必親告祖禰同出入禮

疏

孔子至如之

正義曰此一節論諸侯朝覲天子將出之禮不云曾子問直云孔子曰者以此與上事連文上既云以名徧告社稷宗廟因論出朝告祖禰之事此乃因上起文也此篇之內時有如此故下曾子問云除喪則不復昏禮乎孔子曰祭過時不祭禮也又何反於初又云孔子曰嫁女之家三夜不息燭與此相類云告于祖亦告于禰也言奠于禰亦奠于祖也 冕而出視朝 禰冕謂禰衣而冕禰衣者公衮侯伯鷩子男毳視朝詔聽事也 **注**聽國至受也 正義曰聽國事解經視朝之事云諸侯朝天子必禰冕為將廟受也諸侯視朝當用玄冠緇衣素裳今視朝而服禰冕之服者案覲禮侯氏禰冕天子受之於廟故鄭云諸侯朝天子必禰冕為將廟受也言天子於廟受己之禮今諸侯往朝天子為天子將欲於廟中受己之禮故諸侯豫敬之以冕服視朝也 命祝史告于社稷宗廟山川 **注**臨行又徧告宗廟孝敬之心也 正義曰案上文云諸侯適天子必告于祖奠于禰此又命祝史告于宗廟山川是臨行一

告宗廟則知後再告故云臨行又徧告宗廟孝敬之心也
言徧告宗廟則五廟皆告也前云告于祖者亦祖禰皆告
也乃命國家五官而后行注五官至其職正義曰
案大宰云建其牧立其監設其參傳其伍是諸侯有三卿
五大夫經云五官故云五大夫以屬官大夫其數衆多直
云五者據典國事者言之不云命卿者或從君出行或雖
在國留守摠主羣吏如三公然不專主一事且尊之既命
五大夫則卿亦命之可知故不顯言命卿也命者謂戒勅
以所掌之事也注祖道至脯也正義曰經言道而出
明諸侯將行爲祖祭道神而後出行引聘禮者證祖道之
義案聘禮記云出祖釋軼祭酒脯彼注云祖始也行出國
門止陳車騎釋酒脯之奠於軼爲行始也春秋傳曰軼涉
山川然則軼山行之名也道路以險阻爲難是以委土爲
山或伏牲其上使者爲軼祭酒脯祈告也禮畢然後乘車
轅之而遂行其有牲大羊可也此城外之軼祭也其五祀
行神則在宮內故鄭注聘禮云行謂行者之先其古人之

名未聞天子諸侯有常祀在冬也喪禮有毀宗躐行出于
大門則行神之位在廟門外西方又鄭注月令較壇厚二
寸廣五尺輪四尺周禮注云以菩芻棘柏爲神主此鄭釋
爲較祭之義此較亦有尸故詩生民云取羝以較注燔烈
其肉爲尸羞是也其牲天子較用犬故犬人云伏瘞亦如
之注云伏謂伏犬於較上諸侯用羊詩云取羝以較謂諸
侯也卿大夫以酒脯旣行祭較音御者以酒祭車軾前及
車左右轂末故周禮大馭云及犯較王自左馭馭下祝登
受轡犯較遂驅之又云及登酌僕僕左執轡右祭兩軾祭
軌乃飲軾即轂末軌謂車軾前是也其祭宮內行神之較
及城外祖祭之較其制不殊崔氏云宮內之較祭古之行
神城外之較祭山川與道路之神義或然也壇名山其神
曰纍告者五日而徧過是非禮也前命祝史告山川
而諸侯猶待告徧乃行也以五日爲期若近者乃可就彼
告若遠者則當望告故以五日爲限也所以爾者爲先以
告廟載遷主若久留不去則爲非禮故云過是非禮也曲

禮云凡為君使者已受命君言不宿於家是也。**注**牲當為制字之誤也。正義曰皇氏熊氏以此為諸侯禮不應

用牲故牲當為制其天子則當用牲故熊氏云鄭注周禮大祝職引此文云告用牲幣不破牲字是天子用牲幣也必知天子用牲者校人云王所過山川則飾黃駒是用牲也必知諸侯不用牲者約下文云幣帛皮圭以告故知不用牲也或天子諸侯出入有告有祭故告用制幣一丈八尺其卿大夫唯入祭而已故聘禮既使而反祭用牲也

注道近至告祖

正義曰以直云告于禰是據其道近故

云或可以不親告祖知諸侯不直告禰者下文云反必親告于祖禰明出時亦告祖禰為道近唯告禰耳。

注

朝服

為事故也

正義曰朝服為事故者或會或弔之事諸侯

朝服玄冠緇衣素裳以上文諸侯朝天子冕而出視朝為將廟受尊敬天子習其禮故著冕服諸侯相朝亦雖在廟受降下天子不敢冕服唯著臨朝聽事之服故云朝服為事故也熊氏又云此朝服謂皮弁服以天子用以視朝故

謂之朝服論語云吉月必朝服而朝注云朝服皮弁服是也必知朝服皮弁服者聘禮諸侯相聘皮弁服明相朝亦皮弁服此義為勝也

注

反必親告祖禰同出入禮正

義曰庾蔚云鄭當謂出入所告理不容殊而諸侯相見出不云告祖者或道近變其常禮耳故反必親告祖禰以明出入之告其禮不殊也

曾子問曰

並有喪如之何何先何後

並謂父母若親同者同月死 孔

子曰葬先輕而後重其奠也先重而後

輕禮也自啓及葬不奠

不奠務於當葬者

行葬不

哀次

不哀次輕於在殯者

反葬奠而后辭於殯遂脩

葬事

殯當為賓聲之誤也辭於賓謂告將葬啓期也

其虞也先重而後

輕禮也

疏

曾子至禮也

正義曰此一節論並有喪

葬之事各隨文解之

注

並謂至月死

正義曰並謂父母也親同者祖父母及世叔兄弟云同月死不云同日者略可知也 自啓至葬事 既父喪在殯先葬母之時自從也從啓母殯之後及至葬柩欲出之前唯設母之啓殯之奠朝廟之奠及祖奠遣奠而已不於殯宮爲父設奠故云自啓及葬不奠謂不奠父也不奠者不朝夕更改新奠仍有舊奠存也 行葬不哀次者次謂大門外之右平生待賓之處葬柩車出門至此孝子悲哀柩車暫停今爲父喪在殯故行葬母之時出門外孝子不得爲母伸哀於所次之處遂行而去所以然者若此悲哀恐輕於在殯也反葬奠者謂葬母還反于父殯宮而設奠也 而后辭於殯遂脩葬事者辭猶告也謂奠父之後孝子告語於賓以明日啓父殯期節既告賓賓出之後遂脩營葬父之事所以葬則先輕奠則先重者皇氏云葬是奪情故從輕者爲首奠是奉養故令重者居先也

注

不奠務

於當葬者

正義曰不奠謂不奠父及餘喪也重喪所以

不奠者若營奠父事恐葬事遲晚務欲輕喪在先當葬者使其速畢故也知此不奠不據先葬者葬是喪之大事求離宮室不可以不奠也

注

不哀次輕於在殯者 正義

曰解經不哀次之義以父喪在殯爲重今爲母至次處而哀爲輕於在殯者今爲在殯者所壓不敢爲母伸哀故云不哀次輕於在殯者上注云若親同者則除父母之外餘喪其重喪在殯皆爲輕喪不哀次

注

殯當至期也 正

義曰此經辭於殯知非告殯以將葬而云殯當爲賓爲告賓者案既夕禮云主人請啓期告于賓之後即陳葬事設盥陳鼎饌夷牀之屬下乃云祝聲三是告殯之事今先云辭於殯乃云遂脩葬事故云殯當爲賓謂詔告賓也與既夕禮同 其虞也先重而後輕禮也 以虞是奠之類故亦先重後輕以禮結之故云禮也案崇精問曰葬母亦朝廟否其虞父與母同日異日乎焦氏荅曰婦未廟見不朝廟耳內豎職云王后之喪朝廟則爲之蹕也是母喪亦朝

廟明也虞當異日也孔子曰宗子雖七十無無主婦

族人之婦不可無統非宗子雖無主婦可也疏

正義曰此一節論宗子立後之事凡無問而稱孔子曰者皆記者失問也亦此卷之通例矣宗子大宗子也凡人年六十無妻者不復娶以陽道絕故也而宗子領宗男於外宗婦領宗女於內昭穆事重不可廢闕故雖年七十亦猶娶也故云無無主婦言必須有也然此謂無子孫及有子而年幼小者若有子孫則傳家事於子孫故曲禮七十老而傳是也曾子問曰將冠子冠者至揖讓而入

聞齊衰大功之喪如之何冠者賓及贊者孔子曰

內喪則廢外喪則冠而不醴徹饌而埽

即位而哭如冠者未至則廢

內喪同門也
不醴不醴子

也其廢者喪成
服因喪而冠

如將冠子而未及期日而有

齊衰大功小功之喪則因喪服而冠

廢吉

禮而因喪冠俱成
人之服及至也

除喪不改冠乎孔子曰天

子賜諸侯大夫冕弁服於大廟歸設奠

服賜服於斯乎有冠醺無冠醴

酒為醺冠
禮醴重而

醺輕此服賜服酌用酒尊賜也
不醴明不為改冠改冠當醴之

父没而冠則已冠

埽地而祭於禰已祭而見伯父叔父而

后饗冠者

饗謂禮之

疏

曾子至冠者 正義曰此一節論冠子逢喪之事將冠子冠者

至揖讓而入者曾子問將欲冠子冠者謂賓及贊者至主人之門而與主人揖讓而入主人忽聞齊衰大功之喪如之何孔子荅之云若是大門內之喪則廢以加冠在廟廟則在大門之內吉凶不可同處故云內喪則廢 外喪則冠而不醴者外喪謂大門外之喪喪在他處猶可以加冠也但平常吉時三加之後設醴以禮冠者之身今既有喪故直三加而已不醴之 徹饌而埽者以初欲迎賓之時未知有喪醴及饌具既已陳設今忽聞喪故徹去醴與饌具又埽除冠之舊位今使清絜更新乃即位而哭如賓及贊者未至則廢而不冠也 如將至而冠既荅曾子之問遂言未及期日有喪之禮故云未及期日而有齊衰大功小功之喪 則因喪服而冠者孔子言冠日尚遠不可以吉加冠故廢其吉禮則因著喪之成服而加喪冠也 除喪不改冠乎者曾子既得夫子引類以荅之仍疑而發問

云此人因喪服而冠除喪之後不更改易而行吉冠之禮乎 孔子至賜服 此一經孔子引類答曾子除喪不合改冠之事所以然者謂諸侯幼弱未冠總角從事至當冠之年因朝天子天子而賜諸侯大夫或弁或冕之服於天子大廟之中榮君之賜歸設奠祭於已宗廟此時身服所賜之服更不改冠也 於斯乎有冠醺無冠醴 斯此也於此之時唯有冠之醺法行醺以相燕飲無有冠之醴法謂不用醴以禮受服者之身所以然者凡改冠則當用醴今既受服於天子不可歸還更改爲初冠禮法然則既因喪而冠不可除喪更改爲吉冠也 父没至冠者 孔子既荅其問又釋父没加冠之禮故云父没而冠則加冠已冠之後埽地而祭於禰廟已祭之而見伯父叔父見伯叔之後乃饗冠者 **注**內喪至而冠 正義曰內喪同門者皇氏云謂同大門之內云不醴不醴子也者案士冠禮醴子之後始醴賓恐此經云不醴是不醴賓故云不醴子也必知不醴子者以經云冠者未至則廢廢謂子身冠廢

明不醴是不醴子也服其廢者喪成服因喪而冠者以下
文云未及期日因喪服而冠是也熊氏以即位而哭謂在
冠家即位以文承徹饌而埽之下皇氏以爲即喪家之位
非也注廢吉至之服正義曰吉冠是吉時成人之服
喪冠是喪時成人之服今既有凶廢吉禮而因喪冠故云
俱成人之服也注酒爲至醴之正義曰案士冠禮云
若不醴則醴用酒是酌酒爲醴謂之醴者鄭注去酌而無酬
酢曰醴皇氏云醴亦無酬酢而云酒無酬酢者以酒有酬
酢爲常禮故無酬酢乃謂之爲醴云冠禮醴重而醴輕者
案士冠禮適子三加於阼乃醴於客位醴是古之酒故爲
重士冠禮又云若庶子則冠于房外南面遂醴焉醴既用
酒酒是後代之法故爲輕也案士冠禮若不醴則醴用酒
注云若不醴謂國有舊俗可行聖人用焉不改者也如鄭
此言則行周禮者適子用醴庶子用醴若用先王舊俗者
雖適子與庶子同用醴先王是夏殷也雖在周前因而用
也醴之所以異於醴者醴則三加之後揔一醴之醴則每

一加而行一醺凡三醺也云酌用酒尊賜也者謂諸侯大夫既受賜服而歸祭告之後使人酌酒以飲已榮上之賜不酬酢也冠不醴明不爲改冠者受賜服而來若其改而更冠應從適子之尊冠必酌醴以醴之今既不醴明不改冠也皇氏云謂諸侯及大夫幼弱未冠總角從事當冠之年因朝天子而賜之服故歸還不改冠也義或然也

注

饗謂禮之正義曰案士冠禮醴賓以壹獻之禮此云饗冠者前注云冠者賓及贊者此即是饗賓及贊者此父沒而冠案士冠禮云若孤子則父兄戒宿冠之日主人紛而迎賓拜揖讓立于序端則冠身自迎賓皇氏云冠者諸父迎賓非禮也

曾子問曰祭如之何則不行旅酬

之事矣孔子曰聞之小祥者主人練祭

而不旅奠酬於賓賓弗舉禮也

奠無尸虞不致爵小

祥不旅酬大祥無無筭爵彌吉

昔者魯昭公練而舉酬行旅

非禮也孝公大祥奠酬弗舉亦非禮也

孝公

隱公之

疏

曾子至禮也

正義曰此一節論喪祭簡略

祖父之事孔子至舉禮也練小祥祭也旅謂

旅酬故奠無尸虞不致爵至小祥彌吉但得致爵於賓而不得行旅酬之事大祥乃得行旅酬而不得行無筭爵之事也此皆謂喪事簡略於禮未備故也

注

奠無至彌吉

正義曰案士虞禮云男男尸女女尸檀弓云虞而立尸

是虞時始立尸故云奠無尸奠所以無尸者奠是未葬之前形體尚在未忍立尸異於生故未立尸虞是既葬之後形體已去鬼神事之故立尸以象神也又案特牲云祝延尸於奧尸即席坐主人拜妥尸尸荅拜尸左執觶右取菹梗于醢祭于豆間佐食取黍稷肺祭授尸尸祭之祭酒啐酒祭鉶乃食九飯主人洗角升酌醕尸尸卒爵祝酌授尸

尸以酢主人主人卒爵筵祝南面主人酌獻祝祝受卒爵
主人酌獻佐食佐食受卒爵此是主人之獻也特牲又云主
婦洗爵獻尸尸卒爵尸酢主婦主婦卒爵主婦酌獻祝祝
卒爵酌獻佐食佐食卒爵此是主婦之獻也賓三獻獻于
尸尸三爵止注云尸止爵者三獻禮成欲神惠之均於室
中云虞不致爵者案士虞禮賓三獻尸尸卒爵禮畢無致
爵以下之事所謂虞不致爵也案特牲又云尸止爵之後
席于戶內主婦洗爵酌致爵于主人主人拜受爵生婦拜
送爵主人卒爵拜主婦答拜受爵酌酢左執爵拜主人答
拜主人降洗酌致爵于主婦席于房中南面主婦拜受爵
主人西面答拜主婦卒爵拜主人答拜主人更爵酢卒爵
拜主婦答拜所謂致爵也三獻之賓作尸所止爵尸飲卒
爵酢賓賓飲卒爵獻祝及佐食致爵于主人主婦畢主人
降阼階升酌西階上獻賓及衆賓訖主人洗觶于西階前
北面酬賓訖主人洗爵于阼階上獻長兄弟及衆兄弟及
內兄弟于房中獻畢賓乃坐取主人所酬之觶於阼階前

酬長兄弟長兄弟受觶於西階前酬衆賓衆賓酬衆兄弟
所謂旅酬也云小祥不旅酬者賓不舉主人所酬之觶不
行旅酬之事所謂小祥不旅酬謂奠酬於主人主人酬於
賓賓不舉也旅酬之後賓弟子兄弟弟子各酌于其尊舉
觶各於其長賓取觶酬兄弟之黨長兄弟取觶酬賓之黨
所謂無筭爵也云大祥無無筭爵彌吉者大祥乃得行旅
酬而不得行此無筭爵之事故云大祥無無筭爵以其漸
漸備禮故云彌吉仍未純吉也 昔者魯昭公練而舉酬
行旅非禮也者練祭但得致爵於賓賓不合舉此爵而行
旅酬今昭公行之故曰非禮也大祥彌吉得行旅酬今孝
公不然亦曰非禮 **注**孝公隱公之祖父 正義曰案
世本孝公生惠公弗皇弗皇生隱公是隱公之祖父也 **曾**

子問曰大功之喪可以與於饋奠之事

乎

饋奠在殯時也

孔子曰豈大功耳自斬衰以下

皆可禮也曾子曰不以輕服而重相為

乎

怪以重服而為人所執事

孔子曰非此之謂也

非謂為人謂於

其所為服也

天子諸侯之喪斬衰者奠

為君服者皆斬衰唯

主人不奠

大夫齊衰者奠

服斬衰者不奠辟正君也齊衰者其兄弟

士則

朋友奠不足則取於大功以下者不足

則反之

服齊衰者不奠辟大夫也言不足者謂殷奠時

曾子問曰小功

可以與於祭乎

祭謂虞卒哭時

孔子曰何必小功

耳自斬衰以下與祭禮也曾子曰不以

輕喪而重祭乎

怪使重者執事

孔子曰天子諸侯

之喪祭也不斬衰者不與祭大夫齊衰

者與祭士祭不足則取於兄弟大功以

下者

疏 曾子至反之

正義曰此一節論為死者服還得為死者饋奠之事曾子之意云已有大

功之喪可以與於他人饋奠之事乎孔子不解曾子問旨謂言曾子所問已有大功之喪得為大功者饋奠以否故荅云豈大功乎言已有大功豈但為大功者饋奠自斬衰以下皆可禮也言身有斬衰所為者斬衰身有齊衰所為者齊衰皆可與於饋奠故云禮也 曾子曰不以輕服而重相為乎孔子所論據所服者言之曾子又不解孔子之旨謂言為他人故更問云若為他人不以輕已喪服而重他人相為饋奠乎 孔子曰非此之謂也孔子乃荅云我

之所言據所為服者饋奠非此為他人之謂也故注云非謂為人謂於其所為服也以下乃論所為饋奠之事也天子諸侯之喪斬衰者奠大夫之喪齊衰者奠士則朋友奠若朋友不足則取於大功以下小功總麻者奠若其不足則反之謂奠大執事其人不足則反取前人執事者充之

注

饋奠在殯時也

正義曰以其稱奠又下云天子諸

侯之喪祭也喪祭謂虞卒哭故知此饋奠謂在殯時也

注為君至不奠

正義曰知主人不奠者案士喪禮主人

不親奠又此文云士則朋友奠故知主人不親奠也主人

必不親奠者以主人悲號思慕不暇執事故也

注

服斬

至兄弟

正義曰大夫之喪子服斬衰者不親奠此服斬

衰謂大夫家臣雖服斬衰不得饋奠辟天子諸侯之正君

云齊衰者其兄弟者以大夫之喪子及屬臣皆服斬衰今服

齊衰唯兄弟耳故云其兄弟也

注

言不至奠時

正義

曰殷奠謂月朔之奠以其有牲牢黍稷用人多也殷盛也

以月朔之奠盛於常奠非月半之殷奠也以士月半不暇

殷奠故也以次差之天子斬衰者奠大夫用齊衰士則應先取大功今先取朋友者以天子諸侯皆使臣為奠大夫辟正君故遣兄弟奠士則位卑不嫌敵君故遣僚屬奠僚屬則朋友也案士虞禮祝免澡葛經帶鄭云治葛以為首經及帶接神宜變也然則士之屬官為其長弔服加麻矣祝則僚屬也加麻則朋友也

注祭謂虞卒哭時正義

曰知者以下文孔子荅云諸侯之喪祭也故知此祭謂虞卒哭時也知非練祥者以士練祥之祭大功之服已除不得云取於兄弟大功以下者其天子諸侯則得兼練祥也以其練祥時猶斬衰與祭也

曾子問

曰相識有喪服可以與於祭乎

問已有喪服可以助

所識者祭否

孔子曰總不祭又何助於人

疏

曾子

至於人正義曰此一節論身有喪服不得助他人祭事總不祭又何助於人者言身有總服尚不得自祭已家

宗廟何得助於他人祭乎而熊氏云謂身有總服則不得
自為父母虞祔卒哭祭此謂同宮總則士為妾有子及大
夫為貴妾是同宮總者若大夫士有齊衰大功小功總麻
同宮則亦不祭若異宮則殯後得祭故雜記云父母之喪
將祭而昆弟死既殯而祭若同宮則雖臣妾葬而后祭虞
祔亦然天子諸侯臣妾死於宮中雖無服亦不得為父母
虞祔卒哭祭也天子諸侯適子死斬衰既練乃祭
天子諸侯為適孫適婦則既殯乃祭以異宮故也

曾子

問曰廢喪服可以與於饋奠之事乎

謂新

除喪服也孔子曰說衰與奠非禮也

執事於人之神為其忘哀疾也

以擯相可也

疏

正義曰此一節論大祥除服不得即與他人饋奠之事廢猶除也言

已新說喪服可以與他人在殯饋奠之事乎不問可以與於吉祭而問可與饋奠者以已新說喪服吉祭禮輕吉凶

不相干決其不可饋奠是他人之重者已又
新始說衰凶事相因疑得助奠故問之也

曾子問

曰昏禮既納幣有吉日女之父母死則

如之何

吉日取女之吉日

孔子曰壻使人弔如壻

之父母死則女之家亦使人弔

必使人弔者未成兄

弟父喪稱父母喪稱母

禮宜各以其敵者也父使人弔之辭云某子聞

某之喪某子使某如何不淑母則若云宋蕩伯姬聞姜氏之喪伯姬使某如何不淑凡弔辭一耳

父母

不在則稱伯父世母

弔禮不可廢也伯父母又不在則稱叔父母

壻

已葬壻之伯父致命女氏曰某之子有

父母之喪不得嗣為兄弟使其致命女

氏許諾而弗敢嫁禮也

必致命者不敢以累年之喪使人失嘉會之時

壻免喪女之父母使人請壻弗取而后

嫁之禮也

請請成昏

女之父母死壻亦如之

女免喪壻之父母亦使人請其已葬時亦致命

疏

曾子至如之正義曰此一節論昏娶遭喪之事各隨文

解之

注

必使人弔者未成兄弟

正義曰以夫婦有兄

弟之義故下云不得嗣為兄弟或據壻於妻之父母有總

服故得謂之為兄弟也

父喪稱父母喪稱母

禮各宜

以敵若彼家父死則此家遣使弔當稱此家父遣使弔也

若彼家母死則此家亦稱母遣使弔也

注

某子至一耳

正義曰某子謂此父姓位某之喪者謂若彼家死者之

身某子使其如何不淑者某子還指此父姓位使其某是使者之名淑善也致辭云如何不善云母則若云宋蕩伯姬聞姜氏之喪者鄭假說爲文故云若宋蕩伯姬據此婿家之母姜氏之喪據彼女家之母伯姬使其如何不淑者某謂使者之名案僖二十五年經云宋蕩伯姬來逆婦是宋國公子蕩之妻元是魯女既嫁與蕩氏爲妻故云宋蕩伯姬也今爲其子來迎魯公之女而爲婦魯之夫人多是齊女故稱姜氏姜氏若薨伯姬遣使來弔則云聞姜氏之喪云凡弔辭一耳者謂男弔女家女弔男家皆云使其如何不淑是弔辭一也 父母不在則稱伯父世母 此家父不在彼家父亡則稱伯父某子使其某伯父某亦不在則稱叔父某子使其某若此家母不在彼家母亡則稱伯母某氏叔母某氏使其某直云父母不在不云沒亡則兼沒亡及餘不在也 壻已葬壻之伯父致命女氏必待已葬者葬後哀情稍殺始兼他事不待踰年者不可曠年廢人昏嫁也 不得嗣爲兄弟者夫婦有兄弟之義或據壻爲妻父

母有緦麻之服故謂之兄弟 壻免喪女之父母使人請

壻免喪之後則應迎婦必湏女之父母請者以壻家既

葬致命於已壻既免喪所以湏請也 女之父母死壻亦

如之 女之父母死已葬之後女之伯父致命於男氏曰

某之子有父母之喪不得嗣為兄弟使某致命男氏許諾

而不敢娶女免喪壻之父母使人請女家不許壻而後別

娶禮也陽唱陰和壻之父母使人請昏而女家

得有不許者亦以彼初葬訖致命於已故也 曾子問

曰親迎女在塗而壻之父母死如之何

孔子曰女改服布深衣縞總以趨喪

衣縞總婦人始 女在塗而女之父母死則女

喪未成服之服 反奔喪

如壻親迎女未至而有齊衰大功

之喪則如之何孔子曰男不入改服於

外次女入改服於內次然後即位而哭

不聞喪即改服

者昏禮重於齊衰以下

曾子問曰除喪則不復昏禮

乎

復猶償也

孔子曰祭過時不祭禮也又何

反於初

重喻輕也同牢及饋饗相飲食之道

孔子曰嫁女之家

三夜不息燭思相離也

親骨肉也

取婦之家

三日不舉樂思嗣親也

重世變也

三月而廟

見稱來婦也擇日而祭於禰成婦之義

也

謂舅姑沒者也必祭成婦義者婦有共養之禮猶舅姑存時盥饋特豚於室

曾子問曰

女未廟見而死則如之何孔子曰不遷

於祖不祔於皇姑壻不杖不菲不次歸

葬于女氏之黨示未成婦也

遷朝廟也壻雖不備喪禮猶為

之服齊衰也

曾子問曰取女有吉日而女死如

之何孔子曰壻齊衰而弔既葬而除之

夫死亦如之

未期三年之恩也女服斬衰

疏

曾子至趨喪正義曰女改服者謂

女在塗聞舅姑喪即改嫁時之衣服嫁服者士妻祿衣大夫妻展衣卿妻則鞠衣故士昏禮云女次純衣純衣即祿衣也

注布深至之服

正義曰深衣謂衣裳相連前後

深遽故曰深衣縞白綃也總束髮也長八寸女在塗以其聞喪即改嫁服故云未成服之服也士喪禮注始死婦人將斬衰者去笄而纚將齊衰者骨笄而纚至將斂齊衰婦人亦去笄纚而髽皆不云縞總文不備也

注

奔喪服期

正義曰經云女反故知奔喪喪服期云女子子在室爲父箭笄髽衰三年今旣在塗非復在室故知服期但在室之女父卒爲母亦三年今旣在塗故爲父母同皆期也於時女亦改服布深衣縞總反而奔喪孔子至而哭女旣未至聞壻家有齊衰大功之喪則廢其昏禮男女變服就位哭男謂壻也不入大門改其親迎之服服深衣於門外之次女謂婦也入大門改其嫁服亦深衣於門內之次男女俱改服畢然後就喪位而哭謂於壻家爲位也皇氏以爲就喪家爲位哭也然曾子唯問齊衰大功不問小功者以小功輕不廢昏禮待昏禮畢乃哭耳故雜記云小功可以冠子取婦明與大功及期異也此文據壻家齊衰大

功之喪若女家齊衰大功之喪皇氏云女不反歸其改服即位與男家親同也此不見喪而改服奔喪禮注云不見喪不改服者崔氏云奔喪不見喪不改服謂不改素冠而著免其改吉服著布深衣素冠聞喪即改之

注

不聞至

以下

正義曰上文云女聞婿之父母喪在塗即改服今

女聞婿齊衰大功之喪入門始改服故云不聞喪即改服者昏禮重於齊衰以下者案禮運云三年之喪與新有昏者期不使又王制云齊衰大功三月不從政是昏禮重於齊衰以下也此謂在塗聞齊衰大功廢昏禮若婦已揖讓入門內喪則廢外喪則行昏禮約上冠禮之文此熊氏之說然昏禮重於冠故雜記云大功之末可以冠子小功之末可以取妻也

注

復猶償也

正義曰復是反覆之義故

為償也曾子以初昏遭喪不得成禮除喪之後豈不酬償更為昏禮乎

孔子曰祭過時不祭禮也又何反於初

過時不祭謂四時常祭也謂祭重而昏輕重者過時尚廢輕者不復可知熊氏云若喪祭及禘祫祭雖過時猶追而

祭之故禘祫志云昭十一年齊歸薨十二年會于平丘冬公如晉不得祫至十四年乃追而祫之十五年乃禘也又僖公八年春當禘以正月會王人于洮故七月而禘故雜記云三年之喪既顙其練祥皆行是追行前練祥祭也

注重喻至之道

正義曰祭祀是奉事鬼神故爲重昏禮

是生人燕飲故爲輕喻明也據重者尚廢以明輕者廢可知也故云重喻輕也

注重世變也

正義曰所以不舉

樂者思念已之取妻嗣續其親則是親之代謝所以悲哀

感傷重世之改變也

三月至義也

此謂舅姑亡者婦

入三月之後而於廟中以禮見於舅姑其祝辭告神稱來

婦也謂選擇吉日婦親自執饌以祭於禰廟以成就婦人

盥饋之義

注謂舅至於室

正義曰若舅姑存者於當

夕同牢之後明日婦執棗栗脯脩見於舅姑見訖舅姑醴婦醴婦訖婦以特豚盥饋舅姑盥饋訖舅姑饗婦更無三月廟見之事此是士昏禮之文若舅姑既沒雖昏夕同牢禮畢明日無見舅姑盥饋之事至三月乃奠菜於舅姑之

禮記卷二十六 祭義第二十六
廟故昏禮云舅姑既沒則婦入三月乃奠菜是也昏禮奠
菜之後更無祭舅姑之事此云祭於禰者正謂奠菜也則
廟見奠菜祭禰是一事也熊氏云如鄭義則從天子以下
至於士皆當夕成昏舅姑沒者三月廟見故成九年季文子
如宋致女鄭云致之使孝非是始致於夫婦也又隱八年
鄭公子忽先配而後祖鄭以祖爲祖道之祭應先爲祖道
然後配合今乃先爲配合而後乃爲祖道之祭如鄭此言
是皆當夕成昏也若賈服之義大夫以上無問舅姑在否
皆三月見祖廟之後乃始成昏故譏鄭公子忽先爲配匹
乃見祖廟故服虔注云季文子如宋致女謂成昏是三月
始成昏與鄭義異也若舅姑偏有沒者庾氏云昏夕厥明
即見其存者以行盥饋之禮至三月不須廟見亡者崔氏
云厥明婦盥饋於其存者三月廟見於其亡者未知孰是
盥饋廟見皆謂適婦其庶婦案士昏禮庶婦則使人醢
之婦不饋注云使人醢之不饗也不饋者共養統於適也
以此言之則庶婦不饋舅姑舅姑不饗也使人醢之以酒

而已既不饋亦不廟見也昏禮唯云不饋不云不見則庶婦亦以棗栗暇脩見舅姑也三月廟見之禮必待三月一時天氣改變乃可以事神也不遷至婦也婦既死於已寢將反葬於女氏之黨故其柩不遷移朝於壻之祖廟言祔祭之時又不得祔於皇姑廟也皇大也君也稱皇者尊之也凡人爲妻齊衰杖而菲屨今壻爲之不杖不菲不次菲草屨也不次謂不別處止哀次也壻爲妻合服齊衰杖而菲屨及止哀次今未廟見而死其壻唯服齊衰而已其柩還歸葬於女氏之黨以其未廟見不得舅姑之命示若未成婦然其實已成婦但示之未成婦禮欲見其不敢自專也

注猶爲之服齊衰也正義曰此經但云不杖不菲不云不服故知服齊衰其女之父母則爲之降服大功以其非在家壻爲之服齊衰期非無主也

注未有至斬衰正義曰所以既葬除者壻於女未有期之恩女於壻未有三年之恩以婿

曾子問曰喪有二孤廟服齊衰故知女服斬衰

有二主禮與

怪時有之

孔子曰天無二日土無

二王嘗禘郊社尊無二上未知其為禮

也

尊喻卑也神雖多猶一一祭之

昔者齊桓公亟舉兵作偽

主以行及反藏諸祖廟廟有二主自桓

公始也

偽猶假也舉兵以遷廟主行無則主命為假主非也

喪之二孤則

昔者衛靈公適魯遭季桓子之喪衛君

請弔哀公辭不得命公為主客入弔康

子立於門右北面公揖讓升自東階西

鄉客升自西階弔公拜興哭康子拜稽

顙於位有司弗辯也今之二孤自季康

子之過也

辯猶正也若康子者君弔其臣之禮也鄰國之君弔君爲之主主人拜稽顙非也當

哭踊而已靈公先桓子以魯哀公二年夏卒桓子以三年秋卒是出公也

疏

曾子至過也正義曰此

一節論喪不得有二孤廟不得有二主之事各隨文解之

孔子曰天無二日土無二王者天有二日則草木枯萎

土有二王則征伐不息老子云天得一以清地得一以寧是也

注

尊喻卑也者尊謂天無二日土無二王嘗禘郊

社尊無二上卑謂喪有二孤廟有二主喻明也尊者尚不可二明卑者不二可知也舉尊以明卑故云尊喻卑也云神雖多猶一一祭之者解嘗禘郊社尊無二上之意以嘗禘之時雖衆神並在猶先尊後卑一一祭之不一時揔祭

故云尊無二上也。昔者齊桓公亟舉兵作僞主以行者，此說二主之由。桓公名小白，作霸主，亟數也，僞假也。言作假主以行而反藏於祖廟，故有二主也。舉兵爲南伐楚，北伐山戎，西伐白狄，故云數舉兵也。今之二孤自季康子之過也。上云自桓公始，此不云自季康子始，而云康子之過者，以孔子荅曾子之時上去桓公已遠，二主行來又久，故云自桓公始也。康子之過者，正當孔子之時未知後代行之以否，不得云自季康子始，但見當時失禮，故云今之二孤自季康子之過也。注辯猶至公也。正義曰：若康子者，經云有司謂當時執事之有司畏康子之威不敢辯，正故云若康子者若順也。云君弔其臣之禮也者，案士喪禮君使人弔主人，進中庭哭拜稽顙，成踊，喪大記云大夫既殯，君弔主人，門右北面哭拜稽顙。今季康子與之同，故云君弔其臣之禮也。云鄰國之君弔君爲之主者，以賓主尊卑宜敵，故君爲主主則拜賓，康子又拜，故云非也。當哭踊而已，但唯君荅拜耳。出公來弔，春秋不見經者，蓋爲弔。

而來非有國之大事故略而不書於經也出公輒是靈公
孫也曾子所問皆前孤後主今答前主後孤者謂齊桓公
之時事在前衛
君之事在後

曾子問曰古者師行必以遷

廟主行乎孔子曰天子巡守以遷廟主行

載于齊車言必有尊也今也取七廟之主

以行則失之矣

齊車金路

當七廟五廟無虛主虛

主者唯天子崩諸侯薨與去其國與祫祭

於祖爲無主耳吾聞諸老聃曰天子崩國

君薨則祝取羣廟之主而藏諸祖廟禮也

卒哭成事而后主各反其廟

老聃古壽考者之號也與孔子同時

藏諸主於祖廟象有凶事者聚也卒哭成事先祔之祭名也

君去其國大宰取

羣廟之主以從禮也

鬼神依人者也

祫祭於祖則祝

迎四廟之主

祝接神者也

主出廟入廟必蹕

蹕止行者

老聃云曾子問曰古者師行無遷主則何

主孔子曰主命問曰何謂也孔子曰天子

諸侯將出必以幣帛皮圭告于祖禰遂奉

以出載于齊車以行每舍奠焉而后就舍

以醕醢禮神乃敢即安也
所告而不以出即埋之

反必告設奠卒歛幣

玉藏諸兩階之間乃出蓋貴命也疏

正義曰此一節論師出當取遷廟主及幣帛皮圭以行廟
無虛主之事各隨文解之

注齊車金路 正義曰案齊

僕云掌馭金路大馭掌馭玉路凡祭祀皆乘玉路齊車則
降一等乘金路也遷廟主行者皇氏云謂載新遷廟之主

義或然也

注老聃至名也

正義曰案下文助葬於巷

黨老聃曰丘止柩又莊子稱孔子與老聃對言是與孔子

同時也案史記云老聃陳國苦縣賴鄉曲仁里也為周柱

下史或為守藏史鄭注論語云老聃周之大史未知所出

云象有凶事者聚也者此實凶事而云象者以凶事生人

自聚今主亦集聚似生人之聚故云象也云卒哭成事先

祔之祭名也者檀弓云卒哭曰成事謂漸成吉事檀弓又

曰明日祔于祖是卒哭之事在祔祭之前鄭必云先祔之

祭名者以卒哭主各反其廟者爲明日祔時須以新死者祔祭於祖故祖主先反廟也 **注**祝接神者也 正義曰

以其祫祭於祖是祝之所掌之事故祝迎四廟之主若去其國非祭祀之事故大宰取羣廟之主以從鬼神依人故也祫祭於祖則迎四廟之主祝主接神故迎之也祫合祭祖大祖三年一祫謂當祫之年則祝迎高曾祖禰四廟而於大祖廟祭之天子祫祭則迎六廟之主今言迎四廟者舉諸侯言也 主出廟入廟必蹕 主謂木主羣廟之主也主天子一尺二寸諸侯一尺出廟者謂出已廟而往大祖廟入廟謂從大祖廟而反還入已廟若在廟院之外當主出入之時必須蹕止行人若主入大祖廟中則不可須蹕也似壓於尊者也若有喪及去國無蹕禮也 老聃云從上天子崩以下至出廟入廟必蹕以上皆是老聃所云結上義也 孔子曰主命者孔子言天子諸侯將出旣無遷主乃以幣帛及皮圭告于祖禰之廟遂奉以出行載于齊車以象受命故云主命 將出至命也 以曾子不解

主命之意故孔子荅以主命之義云天子諸侯將出必以幣帛皮圭告于祖禰之廟告訖遂奉此幣帛皮圭以出於廟載于齊車金路以行每至停舍之處先以脯醢奠此幣帛皮圭而後始就停舍之處行還反後必陳此幣帛皮圭於祖禰主前以告神又設奠祭既卒斂此幣帛皮圭埋諸兩階之間乃後而出蓋貴此主命故也

注

以脯至埋之

正義曰經云每舍奠焉以其在路不可恒設牲牢故知以脯醢也與殯奠同謂之奠以其無尸故也云所告而不以出即埋之者皇氏云謂有遷主者直以幣帛告神而不將幣帛以出行即埋之兩階間無遷主者加之以皮圭告於祖禰遂奉以出熊氏以爲每告一廟以一幣玉告畢若將所告遠祖幣玉行者即載之而去若近祖幣玉不以出者即埋之以其反還之時以此載行幣玉告於遠祖事畢則埋於遠祖兩階間其近祖以下直告祭而已不陳幣玉也

子游問曰喪慈母如母禮與

如母謂父卒三年也子游

禮記集說卷之六
意以爲國君亦當然禮所云者
乃大夫以下父所使妾養妻子
孔子曰非禮也古

者男子外有傳內有慈母君命所使教子

也何服之有

言無服也此指謂國君之子也大夫士之子爲庶母慈已者服小功父卒乃不

服昔者魯昭公少喪其母有慈母良及其

死也公弗忍也欲喪之有司以聞曰古之

禮慈母無服

據國君也良善也謂之慈母固爲其善國君之妾子於禮不服也昭公年三十

乃喪齊歸猶無憾容是不少又安能不
忍於慈母此非昭公明矣未知何公也

今也君爲之

服是逆古之禮而亂國法也若終行之則

有司將書之以遺後世無乃不可乎公曰

古者天子練冠以燕居公弗忍也遂練冠

以喪慈母喪慈母自魯昭公始也

公之言又非也天子練冠以燕

居蓋謂庶子

疏

子游至始也

正義曰此一節論諸侯

王為其母

之子喪慈母無服之事喪慈母者子游

之意以喪服大夫以下所使妾無子者養妾子之無母者謂之慈母喪此慈母如己之母今國君喪其慈母還如己母是禮與

注

如母至妾子

正義曰如母謂父卒三年

也知者以喪服慈母如母在父卒三年章中故云謂父卒三年若父在之時則期也鄭注喪服大夫妾子父在為母大功士之妾子父在為母期則父在為慈母亦當與己母同也云子游意以為國君亦當然者鄭知國君者以下孔子荅云君命所使教子也又引魯昭公之事皆以國君荅

子游明子游本問國君也云禮所云者乃大夫以下父所使
妾養妾子者禮所云謂喪服所云慈母如母也案喪服傳
云慈母者何也妾之無子者妾子之無母者父命妾曰女
以爲子命子曰女以爲母若是則生養之終其身如母死
則喪之三年必知大夫以下者以天子諸侯不服庶母故
此云君命所使何服之有故知此慈母如母謂大夫以下
也天子諸侯則絕之也 注此指至不服 正義曰鄭知
經指國君之子者以經云君命所使教子故知謂國君之
子也國君之子尚不服庶母則國君身不服庶母可知也
云大夫士之子爲庶母慈已者服小功者案喪服小功章
云君子子爲庶母慈已者傳云君子子者貴人之子也爲
庶母何以小功也以慈已加也云父卒乃不服者案喪服
云士爲庶母總則大夫之子父沒爲庶母慈已亦總此云
父卒乃不服者謂不服小功仍服總耳若大夫之子庶母
不慈已者雖父在亦服總故鄭注喪服云其不慈已則總
可也喪服注又云士之妻自養其子則不得有庶母慈已

此云大夫士者因大夫連言士耳其實士無庶母慈已者
皇氏云有士誤也能氏云士之適子無母乃命妾慈已亦
爲之小功知者以士爲庶母總明士子亦總以慈已加小
功故此連言大夫士也凡諸侯之子適庶皆三母故內則
云必求其寬裕慈惠溫良恭敬慎而寡言者爲子師其次
爲慈母其次爲保母內則據諸侯也其大夫及公子適妻
子亦三母故喪服云君子子爲庶母慈已小功注云君子
子者大夫及公子之適妻子又注引內則三母是大夫及
公子適妻之子爲三母故彼注不云師保慈母居中服之
可知也言君之庶子內有慈母又大夫公子適妻子爲慈
母小功則大夫公子之庶子無三母也但有慈母如母也
注據國至公也 正義曰前經指國君之子此經引魯
昭公故云據國君也是國君與其子同也云謂之慈母固
爲其善者內則既云擇於諸母寬裕慈惠溫良者以爲子
師其次爲慈母此云慈母良固當是性行善者云國君之
妾子於禮不服也者以喪服公子爲其母練冠麻衣故云

於禮不服親母尚不服庶母不服可知若父卒得為己母大功也云昭公年三十乃喪齊歸者案襄三十一年襄公薨左傳云昭公十九猶有童心是即位時年十九也昭公十一年其母齊歸薨而無感容是年三十非少孤也案家語云孝公有慈母良今鄭云未知何公者鄭不見家語故也或家語王肅所足故鄭不見也

注公之至其母 正義曰公之言又非者以上云公弗忍欲喪慈母既為非今公言古者天子練冠以燕居是公言又非也云天子練冠以燕居蓋謂庶子王為其母者案鄭注服間云庶子為後為其母總春秋有以小君服之者故春秋母以子貴其服皆伸而天子服練冠者皇氏云若適小君沒則得伸若小君猶在則其母壓屈故練冠也所以不同大夫士為後著總服必練冠者以大夫士為母本應三年以為後壓屈故降服總麻王侯庶子為母本練冠故今還練冠此乃異代之法案喪服總麻章云庶子為後為其母總鄭注服間云庶子為後為其母總則是周法天子諸侯大夫士一也凡

言古者皆據今而道前代此經既云古者天子爲其母則是前代可知也以經無明文故鄭注云蓋謂庶子王爲其母蓋是

疑辭也

曾子問曰諸侯旅見天子入門不得

終禮廢者幾

旅衆

孔子曰四請問之曰大廟

火日食后之喪雨露服失容則廢

大廟始祖廟宗廟皆

然主於始祖耳

如諸侯皆在而日食則從天子救曰

各以其方色與其兵

示奉時事有所討也方色者東方衣青南方衣赤西方衣

白北方衣黑兵未聞也

大廟火則從天子救火不以方

色與兵曾子問曰諸侯相見揖讓入門不

得終禮廢者幾孔子曰六請問之曰天子

崩大廟火日食后夫人之喪雨露服失容

則廢夫人君之夫人曾子問曰天子嘗禘郊社五祀

之祭簠簋既陳天子崩后之喪如之何孔

子曰廢既陳謂夙興陳饌牲器時也天子七祀言五者關中言之曾子問曰當

祭而日食大廟火其祭也如之何孔子曰

接祭而已矣如牲至未殺則廢接祭而已不迎尸也疏

正義曰此一節論行禮有故不得終之事各依文解之注大廟至祖耳正義曰公羊傳云周公

稱大廟魯之始祖也明諸國皆然餘廟有火亦廢朝故云宗廟皆然特云大廟火是主於始祖而言耳 **注**示奉至聞也 正義曰示奉時事解各以其方色有所討解與其兵也故諸侯皆在京師者則從天子救日爲陰侵陽是君弱臣強之象方色者東方衣青南方衣赤西方衣白北方衣黑兵未聞者隱義云東方用戟南方用矛西方用弩北方用楯中央用鼓所以有所討者以日食陰侵陽示欲助天子討陰也亦備非常以彼非正經故不取也穀梁云天子救日置五麾陳五兵五鼓諸侯置三麾陳三鼓三兵大夫擊門士擊柝言充其陽也范甯云凡聲陽也擊鼓爲聲所以助陽壓陰也春秋傳曰日有食之天子伐鼓於社責上公也諸侯伐鼓於朝退自責也夏書曰辰不集于房瞽奏鼓嗇夫馳庶人走孔傳曰辰日月所會集合也房日月所舍而不合其所舍食可知也馳走者救日之備也奏猶擊也周禮有救日之弓但不知兵之細別故云未聞 大廟火則從天子救火不以方色與兵 以日食是陰之災

故象五方之色以兵討陰救火無此義故不用五方色及兵也

注

夫人君之夫人

正義曰此經云后夫人之喪

恐是天子之三夫人故云君之夫人此大廟火者亦謂君之大廟非天子大廟也知非者既云揖讓入門無容天子大廟之火赴告即至故知非王之大廟假令在後當朝方聞火時過已久又不可廢朝故知非王之大廟也

注

既

陳至言之

正義曰知既陳謂夙興陳饌牲器時也者以

下文云當祭而日食則此簠簋既陳不當祭也既不當祭時明是祭前陳饌牲器也前文云天子崩后之喪與日食大廟火其禮皆同則此簠簋既陳日食大廟火亦同也故下云如牲至未殺則廢是也牲至已殺則行接祭其天子崩后之喪牲入雖殺不可行接祭以其喪事重故也云天子七祀言五者關中言之者鄭此注以周禮言之祭法周天子七祀諸侯五祀大夫三祀五居其中言是諸侯之法舉五而言則上兼七下通三欲見天子及大夫其祭皆然故云關中言之關通也謂通取中央而言之經云嘗禘者

謂宗廟之祭也郊社謂天地之祭舉天地宗廟則五祀以上之祭皆在其中孔子曰接祭而已矣者謂牲至之後則接祭之也接捷也捷速也速而祭之

尸也

正義曰經云如牲至未殺則廢此云

祭則牲至

已殺之後也案郊特牲云既灌然後迎牲則迎尸於奧在未殺牲之前此經殺牲後云不迎尸者凡迎尸之禮其節有二一是祭初迎尸於奧而行灌禮灌畢而後出迎牲於時延尸於戶外殺牲薦血毛行朝踐之禮設腥爛之俎於尸前是一也然後退而合亨更迎尸入坐於奧行饋孰之禮是二也此云不迎尸者直於堂上行朝踐禮畢則止不更迎尸而入此謂宗廟之祭郊社之祭無文不迎尸亦謂此時也熊氏云郊社五祀祭初未迎尸之前已殺牲也以其無灌故也故大宰云祀五帝納亨注云納亨謂祭之時又中霤禮皆為俎奠於主乃始迎尸是郊及五祀殺牲在迎尸之前也則此不迎尸亦得為祭初不迎尸也

禮記正義卷第二十六